

華嚴疏鈔

C40
4514
(1)



60

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

80


清涼國師華嚴疏鈔

十行品

陽 調

C40-46-14

丁翁主座讀大藏及百家書置武州紫雲山
被徵入禁閉鳳府中永
為學不厭許出院內
嘗以一函藏半於謹誌



B 64853

大方廣佛華嚴經疏鈔卷十九之四

司馬遷

司馬遷

于闐國三藏沙門實叉難陀譯
清涼山大華嚴寺沙門澄觀撰述

十行品第二十一之一

疏來意有二。前序此正故。前辨所依佛智。此辨能依之行故次來也。

疏二釋名者隨緣順理造修名行數越塵沙寄圓辨十。仁王名爲十。正就三學中定心增故。梵網名爲長養長道五根故。若具梵本應云功德華聚菩薩說十行品。則兼能說人今文畧耳。鈔仁王名

爲十止者卽上卷伏忍聖胎三十人十信十止十堅心故已如上引梵網經者彼立三賢名云十發趣十住十長養十行十金剛十迴向。

疏宗趣可知。

爾時功德林菩薩承佛神力入菩薩善思惟三昧。

疏四釋文此品不同前之二會有行德者以行爲主故畧無之又行德已純熟進趣中收故惟一品義當行中之解品有七分第一爾時功德林下三昧分功德林入者爲衆上首故表說十行衆德建立故承佛下是入定因入菩薩下顯定別名揀因

異果故名菩薩巧順事理揀擇無礙無心成事名善思惟。

入是三昧已十方各過萬佛刹微塵數世界外有萬佛刹微塵數諸佛皆號功德林而現其前告功德林菩薩言善哉佛子乃能入此善思惟三昧善男子此是十方各萬佛刹微塵數同名諸佛共加於汝亦是毘盧遮那如來往昔願力威神之力及諸菩薩衆善根力令汝入是三昧而演說法。

疏第二入是下加分文中三一總辨作加因緣文
中四一入是下總標加因二十方下加緣顯現三

告功德下。讚有加因四善男子下。雙顯加定因緣文中二。一別顯所因。一結因所屬。今初亦有四因。一伴佛同加。十住文云。悉以神力共加於汝。二主佛宿願。三主佛現威。四大衆機感。畧無助化善根。或是諸字中攝。餘義具於前會。一令汝下結因所屬。鈔畧無助化者。十住却有經云。亦是汝勝智力。故云畧無。

爲增長佛智故。深入法界故。了知衆生界故。所入無礙故。所行無障故。得無量方便故。攝取一切智性故。覺悟一切諸法故。知一切諸根故。能持說一切法故。

所謂發起諸菩薩十種行。

疏二爲增長下。辨加所爲。有十一句。前十別明後所謂下一句總結。乃至起分皆同前會。但住行之殊。

善男子。汝當承佛威神之力而演此法。是時諸佛卽與功德林菩薩無礙智。無著智。無斷智。無師智。無礙智。無異智。無失智。無量智。無勝智。無懈智。無奪智。何以故。此三昧力法如是。故爾時諸佛各申右手摩功德林菩薩頂。

疏三善男子等下。正辨加相。文中三。一語業加。二

意業加三身業加。今初語業加命其說。一是時下。意業加與智慧初總餘別。捷辨故卽無斷辨故前後二會並無此智。卽是本覺之智。了因自得悟不由師假佛緣顯。故得云與與無師智。並是迅辨故應辨故無謬錯辨故。豐義味辨故。一切世間最上妙辨故總策前七故。此七無勝故。上皆別顯次下徵釋。二爾時下身業加增威力故。鈔捷辨等者七辨之義。前文已有十地更廣。

時功德林菩薩卽從定起。

疏第三時功德林下起分。

告諸菩薩言。佛子。菩薩行不可思議與法界虛空界等。何以故。菩薩摩訶薩學三世諸佛而修行故。

疏第四告諸菩薩下。本分二初行體。若約所依。卽前善思惟三昧爲體。若約所觀。卽二諦雙融。若約能觀悲智無礙。今從教相下四行爲體。若約十行別體。卽以十波羅蜜爲體。義見初會。今就教相中。若直就經文。文分爲二。一標顯。二徵釋。今初標行體。難思行卽深心所修行海也。與法界虛空下顯難思之相。深等法界廣齊虛空。故心言罔及也。又超下位名不思議。又卽理之事行同事法界之無

量等虛空之無邊卽事之理。行同理法界之寂寥。等虛空之絕相。此二俱非言之表詮。心之顯詮。故難思議。况二交徹能令一行攝一切行。一位攝一切位。純雜無礙。故第十行云。入因陀羅網法界。成就如來無礙解脫人中雄猛大師子吼。乃至到一切法實相源底故。又若唯遮者。則凡聖絕分故。非但遮常心言亦應融常心言。是則於中思議不可盡也。遮融無二。則思與非思體俱寂滅。方曰真不思議。鈔顯難思下。初就法說。別配事理以爲深廣。又超下。一就人顯。又卽理之事下。三事理相融。

釋則法界通四法界。虛空是喻。亦含四義。一事法界卽事之理下。二明理法界於中顯。非表義名言。及顯境名言所及。卽不思議也。况二交徹者。卽事理無礙法界。能令一行下。四明事事無礙法界。仍上而起。要由事卽是理。方得以理融事故。有事事無礙下引證可知。第三事理無礙亦應言虛空不礙於色。色不礙空。故四事事無礙。如空入在一毛孔。卽攝無邊法界空。又若唯遮者下。第一融拂。恐滯絕思議故。絕但是遮絕心言故。融者。卽言無言。故故云於中思議不可盡。卽用第八眞如相廻向。

偈文云。菩薩住是不思議於中思議不可盡。入是不可思議處。思與非思俱寂滅。上卽前半意。從遮融無二下。卽後半意也。

疏二何以下。徵釋何以因人之行。便叵思耶。菩薩摩訶薩下。釋云。同佛果故。佛窮事行之邊極理行之際斷。一切障證。一切理因圓果滿。融無障礙。菩薩同彼寧可思議。

疏若取論勢。菩薩行爲總句。餘皆是別不可思議。卽真實行也。彼約地前不見。此約凡愚叵思亦名真實行布位中。無真如觀。故無觀相行。一與法界

等。卽是勝行。亦是佛本故。三與虛空等。卽因行也。是無常因。亦未得地智。闕常果因也。四學三世佛而修行者。是不怯弱行。未能順理真實救護。故無大行餘同前會。鈔不可思議者。例後十地六決定中。有真實善決定。彼經云不可見。今以不思議當之。無觀相行者。彼云無雜無帶相之雜故。今經地前猶帶如相。故無無雜之言。故無大行者。大行合云偏。一切佛利普能救護一切衆生。今無此言。佛子。何等是菩薩摩訶薩行。佛子。菩薩摩訶薩有十種行。三世諸佛之所宣說。何等爲十一者歡喜行。二

撰述

華嚴疏金卷四

七

讀

者饒益行三者無違逆行。四者無屈撓行。五者無癡亂行。六者善現行。七者無著行。八者難得行。九者善法行。十者真實行。是爲十。

疏第二佛子何等下。正辨行相文中三。總徵其名。一標數顯勝。三徵數列名。今初二佛子等下。標數二世佛下顯勝也。三何等爲下。徵數列名。上徵下列。然與本業名雖小異。而義意大同。十一施悅自他。故名歡喜。約三施說。在因皆悅。故下經云。爲令衆生生歡喜故。若就果說。財獲富饒。無畏身心安泰。法施當獲法喜。皆歡喜義。此約隨相。本業云。

始入法空不爲外道邪論所倒入。正位故。名歡喜行。此約離相。鈔本業云。者經此前總明從住入行云。從灌頂進入五陰法性空亦行。八萬四千波羅蜜。故名十行。

疏二三聚淨戒亦益自他。故名饒益。或以後攝前本業云。得常化一切衆生法皆利衆生故。此唯據利他。

疏三忍順物理。名無違逆。彼云得實法。忍無我我所。名無瞋恨。此約以後攝初晉云。無恚恨。亦是以初攝後。而實一忍順物。法忍順理。以後道前皆順。

釋迦

華嚴疏金卷四

六

言

事理。鈔彼云者經具云於實法得法忍心無我
我所。

疏四勤無怠退名無屈撓亦通二勤彼云常住功
德現化衆生故名無盡謂若有怠退斯則有盡而
攝論三精進中三名無弱無退無喜足則是以後
攝初。

疏五以慧資定離沈掉故名無癡亂彼云命終之
時無明鬼不亂不濁正念故名離癡亂此但從一
義故下經云於死此生彼心無癡亂。

疏六慧能顯發三諦之理般若現前故名善現彼

云生生常在佛國中生此但據得報謂卽空照有
而能現生。

疏七不滯事理故名無著彼云於我無我乃至一
切法空故此卽涉有不迷於空謂於我而無有我
也若於我無我皆不著者則雙不滯也以有不捨
不受方便智故。

疏八大願可尊故又成大行願乃能得故名難
得彼云三世佛法中常敬順故名尊重行彼約修
心此約難勝。

疏九善巧說法名善法行彼經云說法授人動成

撰述

華嚴疏金卷四

八

物則故同於九地法師位故。

疏十。言行不虛。故名真實。又稱二諦。故故彼經云。二諦非如。非相。非非相。故名真實。然上約十度。釋名度各有三。並見初會。

佛子。何等爲菩薩摩訶薩歡喜行。

疏第五。佛子何等爲下說分。十行則爲十段。一各三。謂一徵名。二釋相。三結名。今初歡喜行。卽是檀度。初微名中已如前釋。

佛子。此菩薩爲大施主。凡所有物。悉能惠施。

疏第二。佛子此菩薩下。釋相分二。先畧辨體相。後

修此行時下。廣顯名相。今初瑜伽菩薩地。菩薩六度。各有九門。一。自性謂出行體。二者一切。謂能具行。三者難行。謂就中別顯四。一切門。謂行差別。五者善士。謂作饒益。六。一切種。謂偏攝聖教。七者遂求。謂隨所須八者。與二世樂。謂於現在作大饒益。令得未來廣大安樂。九者清淨。謂勝離相成波羅蜜。今文分三。以攝於九。一。總標施主。二。其心下離所不應。三。但爲下彰其意樂。鈔瑜伽等者。卽三十九爲首。明法品已畧引之。今更具引。疏但通釋六度九門之相。其列名卽論。謂字已下。卽是疏釋。

今先具出布施九門論。溫施南曰。自性一切難。一切門善士一切種遂求。二世樂清淨。一自性者。謂諸菩薩乃至身財無所顧惜。能施一切所應施物。無貪俱生思。及因此所發能施一切施物。身語二業安住律儀阿笈摩見定有果見隨所希求。卽以此物而行惠施。當知是名菩薩自性施。二一切施畧有二法。謂內物外物。又一切施物。謂財法無畏三難行施有三。一財物尠少。而自貧苦施。二可憐惜物甚深愛著物施。三艱辛所獲財物施。四一切門有四。一自財物。二勸他得物。三施父母妻子奴婢作使等。四施與諸來求者。五善士施有五。一淨信施。二恭敬施。三自手施。四應時施。五不惱亂他施。六一切種有六。有七故有十三言。六者一無依施。二廣大施。三歡喜施。四數數施。五因器施。六非因器施。言有七者。一一切物施。二一切處施。三一切時施。四無罪施。五有情物施。六方土物施。七財穀物施。八遂求施。有八。一匱乏飲食施。以飲食。二乏車乘。三衣服。四嚴具。五資生什物。六種種塗飾香鬘。七舍宅。八光明。皆如第一句。八此世他世樂施有九。謂財無畏法。各有三。故財有三者。一清淨。

釋迦

華嚴疏錄卷四

廿

詞

如法物二調伏慳惱垢三調伏藏積垢一卽捨財物執著三卽捨受用執著無畏三者一濟拔師子

虎狼鬼魅等畏二王賊等畏三水火等畏法施三施有十一不留滯施二不執取施三不積聚施四不高舉施五無所依施六不退轉施七不下劣施八無向背施九不望報施十不希異熟施餘廣如彼論然九門自性皆一一切皆一皆三難行皆三一切門皆四善士皆五一切種皆或六或七共有十三遂求皆八一世樂皆九清淨皆十而相隨度

異然下文中九門之內或多或少不必具全若一配乃成繁碎隨顯配之知法包含

疏今初含攝前四及與六七謂一者施主惠施顯施自性惠有二義一惠卽是施二謂巧惠籌量可不凡所有物悉能施者攝餘五門謂一若內若外二若難若易三財法無畏四一切種門五隨求與故鈔含攝前者卽示此經包含之相下別配之一者施主卽九門中初一也雜集第八云云何施圓滿謂數數施故無偏黨施故隨其所願圓滿施故依此義故經作是說爲大施王者此顯數數施

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏金卷四

十一

訓

及由慣習成性數數能故。謂一若內若外。卽九門一切施中前二義也。二若難若易。卽難行三財法無畏。卽一切施中後義。四攝第四。一切門第六。一切種五卽遂求故攝五門。

其心平等無有悔吝。不望果報。不求名稱。不貪利養。

疏二離所不應。卽清淨施文有五句。以攝十義。心平等者。畧有四義。一無執取。離妄見故。二不積聚施。觀漸與頓皆平等故。三不高舉。但行謙下。不與他競。離憍慢故。四無向背。不明黨故。言無有悔吝者。此有三義。一不退弱施。已無悔故。二不下劣勝

物無吝故。三不留滯。速與無吝故。言不望果報者。不求異熟果故。不求名稱者。無所依故。不貪利養者。不望報恩故。鈔文有五句者。但觀前列具知。

第次

但爲救護一切衆生。攝受一切衆生。饒益一切衆生。爲學習諸佛本所修行。憶念諸佛本所修行。愛樂諸佛本所修行。清淨諸佛本所修行。增長諸佛本所修行。住持諸佛本所修行。顯現諸佛本所修行。演說諸佛本所修行。令諸衆生離苦得樂。

疏三彰其意樂中。有十二句。攝上二門。謂前十一

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

句。明善士施此有五相。一。但爲救護者。不損惱故。二。攝受者。自手授與故。三。饒益者。應其時故。上三下益。次有八句。明其上攀。不出二意。一。淨信故。二。恭敬故。八中一創起習學。二憶持不忘。三。憂樂不捨。四。淨治其障。五。更修增廣。六。住持不斷。七。令不隱沒。八。演以示人。後令諸衆生離苦得樂。結歸慈悲。卽二世樂上。但爲之言。流下諸句。又上救護是無畏施。攝受是財饒益是法。

佛子。菩薩摩訶薩修此行時。令一切衆生歡喜慶樂。隨諸方土有貧乏處。以願力故。往生於彼豪貴大富財寶無盡。假使於念念中有無量無數衆生。詣菩薩所。白言仁者。我等貧乏靡所資贍。饑羸困苦。命將不全。惟願慈哀。施我身肉。令我得食以活其命。爾時菩薩卽便施之。令其歡喜心得滿足。如是無量百千衆生而來乞求。菩薩見之倍復歡喜。作如是心。以是衆生咸來乞求。菩薩見之倍復歡喜。作如是念。我得善利。此等衆生是我福田。是我善友。不求不請。而來教我入佛法中。我今應當如是修學。不違一切衆生之心。

疏第二廣顯名相中。廣前一切施也。亦具諸施恐

繁不配文中二先現行財施後願行法施財中復二二隨相一離相前中亦二明施行二廻向行前中亦二初願受勝生行施二示異類身行施前中依無著論有六意樂一方便二歡喜三恩德四廣大五善好六清淨下並具之鈔先現行財施等者卽九門中一切施中之三相也前六度章雖皆畧示今更依攝論釋之本論云施三品者一法施二財施三無畏施無性釋云言法施者謂無染心如實宣說契經等法言財施者謂無染心施資生具無畏施者謂心無損害濟拔驚怖釋曰此第

一番自施行相論云又法施者爲欲資益他諸善根財施者爲欲資益他身無畏施者爲欲資益他心釋曰此第二番明施所爲天親同此論又云以是因緣故說三施梁攝論法施利益他心財施資益他身無畏施通益他身心復次由財施故有向惡者悉令歸善由無畏施攝彼令成眷屬由法施故生彼善根及成熟解脫由具此義故說三施依無着論者一方便意樂謂先作意二歡喜意樂謂見求者深生歡喜遇於乞者稱意歡喜二者恩德意樂謂遇乞者深心荷恩由彼令我勝行成故四

撰述上

華嚴疏錄卷四

廿

廣大意樂謂廣行施唯期大果故五善好意樂謂令乞者現在豐樂未來得道故六清淨意樂謂離障離相成波羅蜜故疏中先列名後隨文釋中方釋其相故併舉之。

疏於中文四一願具施緣卽方便意樂先作意故亦卽廣前爲大施主二假使下難求能求三爾時菩薩下明難捨能捨舉難况易卽便施者無留滯也四如是下明一切無違有三意樂初卽廣大意樂能廣行故二但更下卽歡喜意樂也三作如是念下恩德意樂也我今應下是隨順心。

又作是念願我已作現作當作所有善根令我未來於一切世界一切衆生中受廣大身以是身肉充足一切饑苦衆生乃至若有一小衆生未得飽足願不捨命所割身肉亦無有盡

疏第二又作下明示異類身而行布施回現施善未來受身以悲深故亦廣大心也

以此善根願得阿耨多羅三藐三菩提證大涅槃願諸衆生食我肉者亦得阿耨多羅三藐三菩提獲平等智具諸佛法廣作佛事乃至入於無餘涅槃若一衆生心不滿足我終不證阿耨多羅三藐三菩提

疏第二以此下廻向行初自期大果亦廣大意樂也後願施田亦得二果是善好意樂鈔初自期大果者上總釋廣大有二義一謂廣行施二唯期大果故前一切無違卽是初意今は期大果也亦是喜好者前亦二義一令乞者現在豐樂二未來得道今は後意

菩薩如是利益衆生而無我想衆生想有想命想種種想補特伽羅想人想摩納婆想作者想受者想

疏第二菩薩如是下明離相施卽清淨意樂也隨相離相行必同時言不並彰故分前後應將離相

別別貫前如大般若不欲繁文故併居一處前後體勢類此可知鈔隨相等者卽總示儀式如大般若者如般若清淨徧歷八十餘科遍爲其首成百餘卷如清淨旣爾若以無生爲首亦徧歷諸法無性無得無相等一一皆然故賢首云若歷事備陳言過二十萬頌今併隨相居於一處併諸離相居於一處猶般若目故束乃數紙展則成多疏文分爲三初入空觀次法空觀後二觀之益卽顯正利益時卽無我想等故所無之法畧有十句

我謂王宰諸蘊假者也。故智論三十五云。於五蘊中。我我所心起故。瑜伽大同此說。此句爲總。但是一我隨事立下別名。然由迷緣生實性。計有卽蘊異蘊之我。旣了性空。迷想斯寂。故云無也。若別別觀無之所以。如十定品第二定辨。鈔我謂王宰等者。卽唯識文論云。我謂王宰。彼疏釋云。王如君王。有自在故。宰如宰輔。能割斷故。諸蘊假者。於諸蘊中。假建立故。稱之爲我。唯識論云。世間聖教說有我法。但由假立。非實有性。解曰。假有一義。一無體。隨情假隨自執情。名我法故。卽外道等計。一

有體強設假隨位隨緣。假施設故。卽聖教所說。今於二義準下智論及瑜伽文。當初義也。故智論者。問曰。如我乃至見者爲是一事。爲各各異。答曰。皆是一我。但以隨事爲異於五陰中。我我所心起故。名爲我。釋曰。次云。但是一我下。卽上論文。瑜伽論中者。論云。於五蘊我我所現前行故。卽八十三論。然由生下。釋其無義。若別別觀者。卽四十經。菩薩知一切法。皆無我故。是名入無命法。無作法者。菩薩於一切世間勤修行無諍法故。是名住無我法者。菩薩如實見一切身。皆從緣起故。是名住無衆。

生法者。菩薩知一切法生滅皆從緣生故。是名住無補特伽羅法者。菩薩知諸法本性平等故。是名住無意生法無摩納婆法者。釋曰。此卽別觀無之所以。

疏二衆生者。智論云。五蘊和合中生故。瑜伽名爲有情。謂諸賢聖。如實了知。唯有此法。更無餘故。鈔智度論云。五陰和合中生故。名爲衆生。瑜伽等者。論有二解。今是其一。言唯有此法者。有此有情法。有情卽識。言無餘者。無彼識外餘我體也。二云又復於彼有愛著故。彼疏釋云。言於彼者。彼卽所

處中八識也。卽是有能愛情。名爲有情。有情。梵言薩埵。舊云衆生。

疏三有想者。智論瑜伽俱名生者。謂計有我人。能起衆事。如父生子。故有卽所起諸趣生也。

疏四命者。謂命根成就故。瑜伽云。壽命和合現存活故。鈔謂命根者。智論具云。命根成就。故名壽者。命者。釋曰。此論雙釋經中壽命二種。以命根體卽壽故。已見問明。世親釋云。一報命根不斷故。論偈云。不斷至命住。大雲解云。此是命根。瑜伽亦是

二法合釋。

疏五種種者智論名爲衆數謂陰界入等諸因緣是衆數法故新譯名異生能受異趣生故鈔新譯等者卽大般若第十三前引智論其文小畧具卽大品名爲衆數智論云從我人有陰界等衆數之法又取我人爲陰界入諸法之數故衆多之法是種種義。

疏六補伽羅者此云數取趣瑜伽云計有我人數數往取諸趣無厭故此名依一聲中呼一人若依多聲中呼多人卽云補特伽羅鈔補特等者卽瑜伽中名。

疏七人者有靈於土木之稱智論云行人法故大般若名士夫瑜伽釋云能作一切士夫用故鈔有靈者有靈於土木之稱卽關中生公語卽智論意瑜伽名士夫卽十七相中第六論云養育者謂增長後有業故能作一切士夫用故疏云養育者令滋茂不斷絕義業令致果果士夫用未來莫窮故名養育釋曰彼雙釋士夫養育文便故引之○疏八摩納婆此云儒童謂計有我人爲少年有學之者此名依一聲中但呼一人若呼多人多聲中呼應云摩納婆嚙迦也鈔摩納婆此云儒童卽

撰述

華嚴疏金卷四

出智論。若瑜伽云。謂依止於意或高或下故。彼疏云。意高下者。約行以釋。然行高下。皆由於意。稚年之者。高下不定。故以高下而以顯之。釋曰。稚年高下者。卽少年有學者也。

疏九作者者。作諸業故。智論云。手足能有所作故。○疏十受者者。智論云。計後世受罪福果報故。大般若第三四大品第二。及金剛般若中說數有增減。名或小異。大意不殊。廻向十定。準斯會釋。鈔大般若第二結示本源。古有章門。七門分別。一列名。二釋名。三體性。四二執。五伏害。六成觀。七問答。初

諸說互望。差別畧有三種。一數增減。二互有無。三變名字。初增減者。第六廻向。但有其八畧。無總我及種種耳。十定有七。已如上辨。一作者。一命。三我。四衆生。五補特伽羅。六意生。七摩納婆。畧無受者。及種種。而加總我。大般若第四說十七相。一我。二有情。三命者。四生者。五養者。六士夫。七補特伽羅。八意生。九儒童。十作者。十一使作者。十二起者。十三使起者。十四受者。十五使受者。十六知者。十七見者。第十三中。但說十四闕使作者。起者。使起者。使受者。闕四加異生。異生義當起故。三使大同。故

其第二有無已含在前增減之中。二變名字。此云衆生。大般若中是有情。此云補伽羅。彼云補特伽羅。此云人。彼云士夫。此云摩訥婆。大般若云孺童。廻向云童子。此云有想。大般若云生者等。疏中已對大般若辨竟。餘門可畧言也。

但觀法界衆生界無邊際法空法無所有法無相法無體法無處法無依法無作法。

疏二但觀下明法空觀菩薩旣了法空安有我耶。故上云人空。非如二乘人空法有故。此直云但觀法界空等。法界衆生界總舉所觀法體不出此二。

菩薩了知究竟無差橫則無邊等虛空故豎則無際離始終故空法者。此二皆空也。空亦總句。何以知空。但有名字無實所有故。無何所有。一外無自共之相狀。二內無有爲無爲之體性。三無所住之處。所謂不在內外中間有中住故。四無二法之相。依有去不留空故。五無造作之功用故。無所有。無所有故空空故衆生界卽法界也。鈔一外無自共之相狀者。自相者謂色礙相受領納等。各別所屬。共相者謂五蘊等。同無常苦空無我。此二皆外相也。二爲無爲諸法之體。諸法不出此二。有去不

撰述

華嚴疏錄卷四

讀

留空者明空有無二故。有卽是空。若去於有。卽已去空。若有去存空。則空有爲二故。

作是觀時。不見自身。不見施物。不見受者。不見福田。不見業。不見報。不見果。不見小果。

疏第三作是下觀益九句皆云不見者窮於法性。到彼岸故初三卽是三輪。福田者施所生也。業約成因招果。尅獲爲果酬。因曰報。習因習續於前。習果尅獲於後。習因習果通名爲因能牽後報。此報酬。因此則果通現得。又報謂有漏果。謂無漏同是當果。漏無漏殊小施小果。大施大果。鈔尅獲爲

果者。此釋果報有二義。一果通現在報。唯未來如修初禪爲習因。證得初禪爲習果。故云習因習續於前。習果尅獲於後上一重因果。望其當報總名爲因。生於初禪梵衆等天方。名感報。故上云酬因爲報。此則下結示一。又報謂有漏下。則果之與報俱在未來。大施大果等者。此等有三。一以一物施等爲小。多物施爲大。二小心施爲小。大心施爲大。自利無常等爲小心。利他空觀等爲大。三近果爲小。究竟果爲大。

爾時菩薩觀去來一切衆生所受之身。尋卽壞滅。

便作是念。奇哉衆生。愚癡無智。於生死內。受無數身。危脆不停。速歸壞滅。若已壞滅。若今壞滅。若當壞滅。而不能以不堅固身求堅固身。我當盡學諸佛所學。證一切智。知一切法爲諸衆生說。三世平等隨順寂靜不壞法性。令其永得安隱快樂。佛子。是名菩薩摩訶薩第一歡喜行。

疏第二願行法施文分爲二。初觀悲境爲起願由。二我當盡學下起願利益。不壞法性是堅固因。安隱快樂是堅固果。

佛子。何等爲菩薩摩訶薩饒益行。

疏第二饒益行。此菩薩護持淨戒於色聲香味觸心無所著。亦爲衆生如是宣說。

疏二釋相之中先畧後廣。皆顯三聚。合於九戒。今初畧中文三初明持相。次彰離過後顯持意。今初句爲總。總該三聚。卽戒自性於色聲下別釋淨義。意地無著。是真律儀。亦爲生說。卽饒益有情戒也。鈔皆顯三聚等者。廣畧皆顯。初句爲總。總該三聚。是畧中具也。卽戒自性者。是九戒之一也。意地無染。是真律儀者。出三聚相。起心卽破菩薩戒。

故亦爲生下攝衆生成。下顯持戒意。舍於攝善。不求威勢。不求種族。不求富饒。不求色相。不求王位。如是一切皆無所著。

疏二不求下彰其離過。亦是於果無依。顯清淨義。鈔亦是於果無依。卽第九清淨戒之一也。但堅持淨戒作如是念。我持淨戒必當捨離一切纏縛。貪求熱惱諸難逼迫。毀謗亂濁得佛所讚平等正法。

疏三但堅持下顯持戒意。初句爲總盡壽堅持。作如是下以誓自要成上堅相。謂一切利養恭敬他

論本隨煩惱不能伏故。一切惡止得佛正法。是真善行。鈔謂一切利養等者出堅相也。四分戒云明人能護戒能得三種樂。名譽及利養死得生天上。若希此三非真堅持本隨煩惱者下經自由彼又具明纏卽隨惑縛卽根本言一切惡止者即是律儀善行卽是攝善。

疏纏謂八纏卽無慚無愧掉舉惡作惛睡慳嫉初二障戒。正障律儀次二障止。次二障觀後二障捨卽障善法饒益於相修中纏繞身心所以偏說或說十纏謂加忿覆於被舉時爲重障故此卽隨惑

鈔纏謂八纏下。釋此纏字。疏文有五。一釋八名。二辨障業。二釋總名。四明十纏。五者結示。然初八纏廣如論釋。無慚無愧。十藏廣明。餘之六事。前後頻有。初二障戒下。辨障業。雜集第七。修尸羅時。無慚無愧爲障。由具此二犯諸學處。無羞耻故。次二障止者。論云。謂修正時。惛沉。睡眠。二法爲障。於內引沈沒故。修慧時。掉舉惡作。二法爲障。於外引散亂故。釋曰。此論約二順障。今疏反此者。以約違障。掉舉惡作。正違止故。惛沉。睡眠。正違慧故。後二障捨者。論云。於修捨時。慳嫉爲障。由成就此於自他。

利慳嫉門中。數數搖動心故。卽障善法饒益者。止觀是善法捨卽饒益。於相修中者。釋總名亦出偏說。所以也。本論云。數數增盛。纏繞於心。故名爲纏。釋論中云。由此諸纏。數數增盛。纏繞一切觀行者。心於修善品爲障礙故。或說十纏者。卽第四明十纏俱舍頌第五隨眠品云。纏八無慚愧。嫉慳分悔。眼掉舉與惛沉。或十加忿覆論云。八纏者。品類足論。或十者。毘婆沙師言。於被舉時爲重障者。忿以令心忿發爲性。覆以覆藏自罪爲性。故此卽隨惑下結示。

釋迦

華嚴疏錄卷四

三

四

疏縛謂四縛。卽貪欲。瞋恚。戒取。我見。貪利。不遂。熟惱。生瞋。梵行命難。則生毀謗。謗則戒取。我則濁亂。不毀不持。方爲平等。鈔縛謂四縛者。先標列後會經。今初雜集等論。但有三縛。謂貪嗔癡。由此三縛。縛諸有情。令處三苦。今言四者。此經第三地文。亦云。此菩薩一切欲縛。色縛。有縛。無明縛。皆轉微薄。釋曰。此卽修所斷中三界煩惱。及無明故。於見縛之外。說四。并前卽五住地惑也。今此四縛。卽按次文。貪利已下。會經四相。初貪利。卽經貪求爲一。二熱惱。卽瞋。三諸難逼迫。毀謗。卽是戒取。四濁亂。故了戒空寂。

佛子。菩薩如是持淨戒時。於一日中。假使無數百千億那由他諸大惡魔。詣菩薩所。一一各將無量無數

百千億那由他天女。皆於五欲善行方便端正殊麗。傾惑人心。執持種種珍玩之具。欲來惑亂菩薩道意。疏第二佛子菩薩如是下廣顯三聚。卽分爲三。初攝律儀。二攝衆生。三攝善法。鈔初攝律儀等者。唯識十度。但有三名。而無解釋。若梁攝論三學之中。具有解釋。本論中云。一攝律儀戒。謂正遠離所應離法。二攝善法戒。謂正修證應修證法。三饒益有情戒。謂正利樂一切有情。無性釋云。律儀戒者。謂於不善能遠離法。防護受持。由能防護諸惡。不善身語等業。故云律儀攝善法戒。能令證得力無

畏等。一切佛法饒益有情戒。能助有情。如法所作。平等分布。無罪作業成熟。有情有說後。二依初建立。釋曰。此下釋立三。所以無性云。此能建立後。二尸羅。由自防護能修供養佛等善根。及益諸有故。故世親云。住律儀者。便能建立攝善法戒。由此修集一切佛法。證大菩提。復能建立益有情戒。由此故能成熟有情。準梁攝論。及釋論云。若不離惡攝善利他。則不得成。有說前二爲成後一。梁攝論云。若人住前二種淨戒。則能引攝利衆生。戒爲成熟他。梁論三戒大意同前。故彼論云。此三品戒。卽四

無畏因。何以故。初戒是斷德。第二戒是智德。第三戒是恩德。四無所畏。不出三德故。由此故說戒有三品。本業經云。戒有三緣。一自性戒。二善法戒。三利益衆生戒。義皆同也。

疏今初卽堅持不犯爲第一難持。文中亦二先顯難持之境。謂多而且麗。加以惑心。日日長時。故爲難也。鈔今初卽堅持不犯者。卽難行戒。準瑜伽論第四十二。有其三種。一者菩薩現在具足大財大族。自在增上。棄捨如是大財大族。自在增上。具受菩薩淨戒律儀。是名第一難行戒。二者菩薩若犯重釋曰。今卽第一次二疏中具之。

爾時菩薩作如是念。此五欲者。是障道法。乃至障礙無上菩提。是故不生一念欲想。心淨如佛。逸乃至命。終於所受戒。無有誤失。尚不犯輕。何況犯重。釋曰。今卽第一次二疏中具之。

爾時菩薩作如是念。此五欲者。是障道法。乃至障礙無上菩提。是故不生一念欲想。心淨如佛。疏後爾時菩薩下起觀對治。卽能持於難持也。言乃至者。準大品云。貪著五欲。障礙生天。况復菩提勝事。皆障故云乃至。唯除方便教化衆生。而不捨於一切智心。

撰述

華嚴疏錄卷四

四

疏第一唯除下攝衆生戒於中四初明忘犯濟物如祇陀末利。唯酒唯戒唯除教化卽行於非道。不捨智心卽通達佛道。鈔祇陀末利者。末利夫人爲救厨子飲酒塗飾等。祇陀太子爲順國人亦和飲酒而不忘戒。並如別說。

佛子菩薩不以欲因緣故惱一衆生寧捨身命而終不作惱衆生事。

疏二佛子下輕身益物爲第一難持乃至捨命亦無缺故。

菩薩自得見佛已來未曾心生一念欲想。何況從事。

若或從事無有是處。

疏三菩薩自得下彰持分齊是第三難持謂恒住正念無誤失故卽以難况易以誤况故本性慣習故分齊者初發心住了見心性成正覺故解法無生常見佛故觸境皆佛豈容佛所生欲想耶爾時菩薩但作是念一切衆生於長夜中想念五欲趣向五欲貪著五欲其心決定耽染沉溺隨其流轉不得自在。

疏四爾時菩薩下明深起大悲是善士相在文分三初悲物著欲一生勸持心三徵釋所以今初七

句初二爲總無時不起。是長夜中想念下別一想念未得二趣向可得三倉著已得四決謂爲淨五耽染無厭六迷醉沉溺七隨境流轉八欲罷不能鈔深起大悲者論云何菩薩善士戒畧有五種謂諸菩薩自具尸羅一勸他受戒二讚成功德三見聞法者深心歡喜四設有毀犯如法悔除五釋曰今正當中二疏文自配自具尸羅前文已有已毀令悔文中畧無

我今應當令此諸魔及諸天女一切衆生住無上戒住淨戒已於一切智心無退轉得阿耨多羅三藐三

菩提乃至入於無餘涅槃。

疏二我今下生勸持心初勸他持戒次住淨戒下兼讚戒功德。

何以故此是我等所應作業應隨諸佛如是修學。

疏三徵釋者大悲益他菩薩家業故。

作是學已離諸惡行計我無知以智入於一切佛法爲衆生說令除顛倒。

疏第三作是學已下明攝善法戒文分爲二初明自分現攝後辨勝進當攝今初善法雖多不出悲智故文中畧舉於中分三初雙標悲智二然知已

1 2 3 4 5 6 7 8 9 10 11 12 13 14 15 16 17 18 19

下雙釋一相。三如是解者已下。雙明二果。今初也。先智後悲。智中先明離過。謂離惡行無明。後以智下。明其成德爲衆生下。卽是攝悲。

然知不離衆生有顛倒。不離顛倒有衆生。

疏二雙釋一相中。悲智雙運。文分爲二。先以智導悲。自成正觀。一切諸法下。通明入法。顯彼倒因。今初文有四對。前三二互相望。後一當體以辨。前三對中。前二不離。後一不卽。卽顯生之與倒。非卽離也。衆生卽能起顛倒之人。乃染分依他顛倒。卽所起之妄。是偏計所執。初對明不離者。謂依似執似卽衆生。

實故離生無倒。依執似起。離倒無生。鈔謂依似執實者。衆生是依他似有。故顛倒謂執似爲實。如依繩之依他執爲蛇實。依執似起者。卽唯識云。依他起自性。分別緣所生。謂依偏計之執起。依之似似卽衆生。

不於顛倒內有衆生。不於衆生內有顛倒。

疏第二對明不相在。重釋前義。言不離者。明因果相待緣成。非先有體。二物相在。因中無果。故倒內無生。若必有者。則應偏計是依他起。果中無因。故生內無倒。若要令有者。則應無有不倒衆生。鈔

第二對明不相在卽不於顛倒內有衆生等。言不離者。此句牒前上言不離衆生有顛倒等。明因果相待方得緣成釋上義也。依似執實待果成因也。依執似起待因成果也。上辨前對之是非先有下揀前對之非卽先有先無門。因中無果下示其正義以釋經文二句之中皆先順說正義後反顯先有之過初云因中無果故倒內無生者順說正義也次若必下反釋揀非非先有故偏計是因因中有果故偏計中有依他起果中無因故生內無倒者順說正義也若要令有下反釋揀非也若果有

因有衆生等卽有顛倒今有不倒衆生故知果中無有因也。

亦非顛倒是衆生亦非衆生是顛倒。

疏第三對明不卽不壞因果能所偏計之二相故由前二對則知生倒非一非異非卽非離鈔第三對者因卽能偏計果卽所偏計所偏計卽依他也由前已下結歸中道。

顛倒非內法顛倒非外法衆生非內法衆生非外法疏第四對當體以辨倒心託境方生故非內法若是內者無境應有境由情計故非外法若是外者

智者於境不應不染既非內外寧在中間則當體自虛將何對他以明卽離衆生亦爾卽蘊求無故非內法離蘊亦無故非外法既非內外亦絕中間本性自空何能起倒將何對他明非卽離旣如是知則自無倒爲物說此倒惑自除鈔第四對者不對衆生說顛倒等亦皆先順明後反顯如倒心託境方生故非內卽先順明次若是內下反顯旣如是知下結成二利

一切諸法虛妄不實速起速滅無有堅固如夢如影如幻如化誑惑愚夫

疏一一切下通明入法顯彼倒因謂由不達緣成不堅妄生偏計故云誑惑愚夫實則愚夫自誑若獮猴執月鈔實則愚夫自誑者如獮猴執月月豈有心誑獮猴耶愚夫執虛爲實明是自誑經云誑愚夫者是愚夫不了之境義似誑耳如是解者卽能覺了一切諸行通達生死及與涅槃證佛菩提自得度令他得度自解脫令他解脫自調伏令他調伏自寂靜令他寂靜自安隱令他安隱自離垢令他離垢自清淨令他清淨自涅槃令他涅槃自快樂令他快樂

疏三如是已下。雙明二果。卽前悲智所成之果也。亦九戒中二世樂戒也。鈔卽前悲智者。如是解者。覺了一切等。卽智果也。通達生死及與涅槃。具二果也。有大悲故通達生死。有大智故通達涅槃。又自度等。卽智果也。令他得度。卽悲果也。二利皆卽悲智果耳。亦九戒中者。論云。當知此戒畧有九種。謂諸菩薩爲諸有情。於應遮處而正遮止。於應開處而正開許。二是諸有情應攝受者。正攝受之。三應調伏者。正調伏之。四菩薩於中身語二業常清淨轉。是則名爲四種淨戒。復有所餘施忍精進靜慮般若波羅蜜多。俱行淨戒。則爲五種。總說名爲九種淨戒。能令自他現法後法。皆得安樂。釋曰。今但通說悲智之果智果了。一切行。卽般若相應。故云亦是。若別配者。令他解脫離垢。卽是遮止。開許斯卽制聽。二戒可以離苦。解脫其令他安隱。卽是攝受令他調伏。其名全同。皆令他得二世樂也。五度助戒。舍在其中。有攝善故。

疏先總後別。總中由解諸法不實幻化。是覺了諸行了行相虛。名達生死。知行體寂。是了涅槃。了之究竟。卽得菩提。自得度下。別有九對。一度苦。一脫漏。二樂。二戒。三施。三忍。四靜慮。五般若。六攝受。七調伏。八遮止。九制聽。

集以了生死故。三調之以道。四寂之以滅。以了涅槃故。次四卽證四諦之德。如次配上。謂由斷苦。故得安樂等。尤卽證佛菩提之樂。

佛子。此菩薩復作是念。我當隨順一切如來離一切世間行。具一切諸佛法。住無上平等處。等觀衆生。明達境界。離諸過失。斷諸分別。捨諸執著。善巧出離。心恒安住無上。無說無依無動無量無邊無盡無色。甚深智慧佛子。是名菩薩摩訶薩第二饒益行。

疏第二佛子已下。勝進當攝於中有二十句。前十具勝德。一順佛。二離世。三行勝法。四住等理。五等

慈。六明智。七離過。八忘緣。九捨執。十不斷煩惱而入涅槃。後十住深智。末句爲總。即是佛智。餘別顯深廣之義。一上無過。二言不及。三離依著。四無變動。五超數量。六無邊畔。七無終盡。八絕色相。由上故深。

佛子。何等爲菩薩摩訶薩無違逆行。

疏第三無違逆行。卽是忍度。

此菩薩常修忍法。謙下恭敬。不自害。不他害。不兩害。不自取。不他取。不兩取。不自著。不他著。不兩著。疏於釋相中文分二別。初畧辨行相。後對境正修。

今初分二。修忍行。二離忍過。修忍意。今初常修忍法。卽標行所屬。謙下等言。彰忍之相。文有十句。初總顯自性。謙尊而光卑。而不可踰。若海之下。百川歸焉。恭敬崇彼。安敢不忍。鈔謙尊而光者。卽周易謙卦云。謙亨。君子有終吉。彖曰。謙亨。天道下濟而光明。地道卑而上行。天道虧盈而益謙。地道變盈而流謙。鬼神害盈而福謙。人道惡盈而好謙。謙尊而光卑而不可踰。君子之終也。彖曰。地中。有山謙。君子以裒多益寡。稱物平施。釋曰。上所引文。其相並顯。但顯謙之象。地在上。山在下。山合出

地。今入地下。謙之象也。又言裒多者。裒聚也。聚其多而益其寡。是益謙義。故爲平施。若王注云。多用謙以爲裒。少者用謙以爲益。隨物所施。不失平者也。謙下。忍之本也。若海之下等。卽老子德經云。江海所以能爲百谷王者。以其善下。是以聖人欲上人。以其言下之。欲先人以其身後之。是以處上而人不爲重處。前而人不爲害。是以天下樂推而不厭。釋曰。特由之卑。天下歸之。

疏不自害。下九句別明通有三釋。一約三毒。二就三業。三據三忍。初云前三治。瞋行忍。瞋必害故。

撰述

華嚴疏錄卷四

三

四

一無如前境而自刑害。二力及害他。三以死相敵。無論先後一時。但取兩害。次三治貪成忍。故染攝論云。取是貪愛別名。一自貪名利。二使彼令取。或隨喜彼取。三兼行上二。後三治癡修忍。癡故執著一著已德能。云何毀我。二彼人若是。云何辱我。三俱染可知。此九皆過。菩薩正觀以不不之能治之。觀下文自辨。鈔一無如前境者。天宮云。自害畧由五緣。謂貪嗔邪見愚癡不善心。

疏二約三業者。害必加身。著必由意。自他讚舉。名爲取也。苟心讚他。尚爲諂媚。况自稱舉。故並安忍。

之。鈔苟心讚他者。智論五十二說。舍利弗讚須菩提善說法。好人相不自讚。不自毀於他外人。亦不讚毀。若自讚。非大人相。不爲人讚而便自美。若自毀者。是妖諂人。若毀他者。是讒賊人。若讚他者。是諂媚人。須菩提了無生法故。舍利弗雖讚而不諂。以稱實讚故。又以斷法愛故。心不高。亦不愛著。但益無障礙。因所謂一切法無所依止。故無障礙。又言取即是著。唯識第八釋三薰習中云。或名苦名取。能所取故。取是著義。業不得名。智論取增名著。七十四云。初染曰取。生愛名著。

疏三。約三忍者。害卽冤害。取卽不能安受饑寒等苦。妄受取故著則不見諦理由。見諦理三忍皆成故思益云。諸法念念滅。其性常不住於中。無罵辱亦無有恭敬。若節節解身。其心常不動等。又上三卽約違順中容之境。故成三毒餘可準思。

亦不貪求名聞利養。

疏二亦不下離忍過也。名引中人利誘下士。菩薩上士故不貪求。

但作是念。我當常爲衆生說法。令離一切惡斷貪瞋癡。惱慢覆藏慳惜。誣詭。令恒安住忍辱柔和。

疏三。但作下修忍之意也。所以修者。先自忍已。後爲生說。令修忍行。離惡斷惑。是內安忍。惑亡智現。不則任法忍。旣去煩惱鑽穢。則身心柔和。堪任法器。如彼鍊金上來。皆是清淨忍也。鈔上來。皆是清淨忍者。論云。略有十種。謂諸菩薩遇他所作不饒益事。損惱違越。終不反報。亦不意憤。亦不怨嫌。意樂相續。恒常現前。欲作饒益。先後無異。非一益已。捨而不益。於有怨者。自生悔謝。終不令他生疲厭。已然後受謝。於不堪忍成就。增上猛利慚愧。六依於堪忍於大師所。成就增上猛利愛

敬^七依不損惱諸有情故於諸有情成就猛利哀愍愛樂^八一切不忍併助伴法皆得斷故^九離欲界欲^十由此十相當知菩薩所修行忍清淨無垢釋曰不可別配大意同經

佛子菩薩成就如是忍法假使有百千億那由他阿僧祇衆生來至其所一一衆生化作百千億那由他阿僧祇口一一口出百千億那由他阿僧祇語所謂不可喜語非善法語不悅意語不可愛語非仁賢語非聖智語非聖相應語非聖親近語深可厭惡語不堪聽聞語以是言詞毀辱菩薩

疏第二佛子下對境修忍廣顯行相文中分二先明修忍行後明修忍意前中有三初耐寃害次安受苦三諦察法鈔初耐寃害等者三忍之義畧見初會今更重依攝論釋之無性論云耐寃害者是諸有情成熟轉因世親釋云能忍他人所作怨害勤修饒益有情事時由此忍力化生雖苦而不退轉言安受苦忍者是成佛因寒熱饑渴種種苦事皆能忍受無退轉故言諦察法忍者是前二忍所依止處堪忍甚深廣大法故世親釋云堪能審諦觀察諸法或由諦察爲前二依者世親釋云由

撰述

華嚴疏錄卷四

三

訓

此忍力。建立次前所說二忍。梁攝論云。由觀察法忍。菩薩能入諸法真理。此忍卽是前二依處。以能除人法二執故。

疏今初分二。先彰難忍之境。後明能忍之行。此亦難行忍也。鈔此亦難行忍下。難行有三。一忍羸劣。有情所不饒益。二忍自臣隸所不饒益。二忍種性卑賤所不饒益。今同第三。

疏今初分三。初明口加毀辱。故梁攝論以耐寃害。亦明他毀辱忍畧顯十種。一觸忌諱故。二惡軌則故。三令憂感故。四無風雅故。五極庸賤故。六詮邪

惡故。七不入人心故。八詮猥雜故。九極鄙惡故。十極麁獷故。以是言下總結所作多人多口。各多惡言。

又此衆生一一各有百千億那由他阿僧祇手。一手各執百千億那由他阿僧祇器仗逼害菩薩。

疏二。又此下身加逼害上二事廣。

如是經於阿僧祇劫。曾無休息。

疏三。如是經下總辨長時。是謂難忍之境也。

菩薩遭此極大楚毒。身毛皆豎。命將欲斷。作是念言。我因是苦。心若動亂。則自不調伏。自不守護。自不明。

撰述

聖嚴疏金卷四

四

讀

了。自不修習。自不正定。自不寂靜。自不愛惜。自生執著。何能令他心得清淨。

疏二。菩薩遭此下。明其忍行。先結前生後。謂遭前極苦。二作是念下。正顯忍相。以失自要。文有十句。初一假設。不忍失念易志。故云動亂。餘九明失。一則不調瞋恚。二則不護根門。三迷忍法門。四不修忍行。五隨風外轉。六動亂內生。七不惜善根。八未忘彼此。上八自損。由此不能利他。今能忍故。以不之。便成八行。自他俱利。自他俱調。若說此勝利。成善士行。鈔若說此勝利者。論云。善士忍有五。

種。謂諸菩薩先於其忍。見諸勝利。謂能堪忍。補特伽羅。於當來世。無多怨敵。無多乖離。有多喜樂。臨終無悔於身壞後。當生善趣天世界中。見勝利已。自能堪忍。一勸他行忍。一讚忍功德。二見能行忍。補特伽羅。慰意慶喜。四應有設有不忍如法悔除。論闡第五恐是脫漏故今具之而疏云。說此勝利。正是第三讚忍功德。如失自要。卽第一自忍。不忍不能令他安忍。今不不之。卽第二。旣自慶慰。亦能慶他。當第四五也。

菩薩爾時復作是念。我從無始劫。住於生死。受諸苦。

撰述

聖嚴政錄卷四

四

同

惱。如是思惟重自勸勵。令心清淨而得歡喜。善自調攝。自能安住於佛法中。亦令衆生同得此法。

疏二菩薩爾時下安受苦忍。雖仍前文義當安受。故引往所受苦以况今苦。而欲安受。所以引者。無始顯昔苦時長。諸苦明其事廣。雖事廣時長。而空無二利。今時促苦少。能成忍度。自利利他。安不忍哉。故鍊磨頌云。汝已惡道經多劫。無益受苦尚能超。今行少善得菩提大利。不應生退屈。由斯重自勸勉。誠勵令淨而無亂。喜不憂。慰調其瞋蔽。攝護根門。是自住忍法。令物同忍。鈔故鍊磨頌者。卽

三種鍊磨心。斷除四處障中之一。卽無性攝論第六。釋入現觀云。由何能入。由善根力所住持故。謂三種鍊磨心。斷四處。故若唯識論第九明資糧位。釋於二取隨眠猶未能伏滅云。此位二障雖未伏除。修勝行時有三退屈。而能三事鍊磨其心。於所證修勇猛不退。一聞無上正等菩提廣大深遠心便退屈。引他況已證大菩提者。鍊磨自心。勇猛不退。釋曰。卽第一菩提廣大屈。引他況已鍊廣者。無邊大者無上深者難測。遠者時長。由斯故退。引他鍊之攝論頌云。十方世界諸有情。念念速證善逝。

果彼既丈夫我亦爾不應自輕而退屈。唯識論云。
 二聞施等波羅蜜多甚難可修心便退屈。省已意
 樂能修施等鍊磨自心勇猛不退釋曰卽第二萬
 行難修屈省已增修鍊頌云汝昔惡道經多劫無
 益勤苦尚能超今行少善得菩提大利不應生退
 屈。唯識論云三聞諸佛圓滿轉依極難可證心便
 退屈引他龐善况已善因鍊磨自心勇猛不退釋
 曰卽第三轉依難證屈引龐况妙鍊頌云博地一
 切諸凡夫尚擬遠證菩提果汝已勤苦經多劫不
 應退屈却沉淪。唯識論云由斯三事鍊磨其心堅

固熾然修諸勝行釋曰今是十行正是其位故疏
 引之言斷四處障者無性攝論但舉四云由離聲
 聞獨覺作意故一由於大乘諸疑離疑以能永斷
 異慧疑故二由離能聞所聞法中我我所執斷法
 執故三由於現前現住安立一切於中無所作意
 無分別斷斷分別故四釋曰卽由此四是四處故
 然三鍊磨通治四障然皆由忘三輪故恐三輪者
 自他過失分別也。

復更思惟此身空寂無我我所無有真實性空無二
 若罟若樂皆無所有諸法空故我當解了廣爲人說

令諸衆生滅除此見。是故我今雖遭苦毒。應當忍受。
 疏第三復更已下。諦察法忍。亦仍前起。故云復更。
 斯則一忍之中。便具三忍。表非全異。故一境具明。
 文分三別。一自成法忍。文有五句。初句總標無我。
 已下釋成空義。以苦空無常無我。四行釋之。倒爲
 其次。又約大乘。故苦樂等雙遣。一人我法我兩亡。
 二常與無常非實相待有故。三空有俱寂故。云無。
 四苦樂皆遣。云無所有。二諸法空下。令他成忍。
 衆生迷空故。應爲說。皆清淨忍也。鈔二令他成
 忍。至皆清淨忍者。清淨有十。如前已引。今但總相
 是彼之意。亦不別配。

疏三是故下。結行應修。然莊嚴論中。由三思五想
 則能忍受。一思他毀辱我。是我自業。一思彼我俱
 是行苦。二思聲聞自利。尚不以苦加人。此三文在
 安受忍中。思昔諸苦。自他調攝。故言五想者。一本
 親想。衆生無始無非親屬故。二修法想。打罵不可
 得故。三修無常想。四修苦想。五修攝取想。卽此文
 攝對前可思。鈔然莊嚴論者。卽第二論。此三等
 者。前念無始劫受諸苦惱。即是自業及行苦也。亦
 令他得此法。卽况二乘也。對前可思者。前性空無。

撰述

垂露真言金剛經卷四

二卽不可得無有眞實。卽是無常。若苦若樂。卽是
苦想廣爲人說等。卽攝取想。畧無本親攝在無始
生死之中。

爲慈念衆生故。饒益衆生故。安樂衆生故。憐愍衆生
故。攝受衆生故。不捨衆生故。自得覺悟故。令他覺悟
故。心不退轉故。趣向佛道故。是名菩薩摩訶薩第三
無違逆行。

疏第二爲慈念下。明修忍意文有十句。義兼通別
通則三忍皆爲此十。在義可知。別則爲初五。故修
耐寃害。慈念爲總次。但欲饒益於他。不懼他不饒

益。本欲安人。豈當加報愍。彼淪倒寧懷恨心。以忍
調行。攝諸恚怒。次一安受苦忍。隨逐衆生。無疲苦
故。次二句爲覺自他。修諦察法。後二通於前三。上
一爲言。下流至此斯卽九中二世樂也。鈔愍彼
淪倒者。準智論云。羅睺羅被外道打悲泣。人問其
故。答曰。我昔少時爾。奈渠長苦。何卽愍其淪溺而
言倒者。亦愍其因。但由顛倒如提婆菩薩被外道
開腹弟子欲追。菩薩廣說法空。誠諸弟子云。此等
顛倒妄見我人。故生此惡。不了性空。無有眞實等。
斯卽九中二世樂者。論云。二世樂忍有九。謂菩薩

住不放逸。一於諸善法。悉能堪忍。二於諸業熱。悉能堪忍。三於諸饑渴。四於蚊虫觸。五於諸風日。六於蛇蝎觸。七於諸劬勞所生種種。若身若心疲倦憂惱。八於墮生死老病死苦等有情。現前哀愍而修忍行。九上七皆有悉能堪忍之言論云。如是順忍得一世樂。斯亦總相愍念衆生。令得一世樂也。

佛子。何等爲菩薩摩訶薩無屈撓行。

疏第四無屈撓行。撓者曲也。弱也。卽牢強精進也。蓋鈔撓者。卽周易大過卦意。易云大過棟撓利有名。謂大願之力。無有盡耳。此亦大同。故往亨象曰。大過大者過也。棟撓本末弱也。易文以弱釋撓。音義云。撓者曲也。曲之與弱。義相似也。今取弱義。釋無屈撓。則弱者亦曲也。旣曰牢強。則無屈弱。然梵云鉢履耶捺多。此云無盡。卽晉經之名。謂大願之力。無有盡耳。此亦大同。

此菩薩修諸精進。所謂第一精進。大精進。勝精進。殊勝精進。最勝精進。最妙精進。上精進。無上精進。無等精進。普偏精進。

疏一釋相中。一先總顯其相。後隨難別釋。前中文三初正顯精進。二性無下明離過失。三但爲下辨。

撰述

華嚴疏金卷四

四

讀

進所爲此之三段初卽總舉次是釋精謂無雜故
三是釋進趣所爲故今初正顯中初句標行所
屬所謂已下顯勝列名精進多名望業用故初第
一者亦是首義此義有二一大故第一謂爲大菩
提故二勝故第一光明功德故三殊勝故第一謂
超出故第二大亦三義一最勝故大勝中極故如
世大王二最妙故大真理融通故如世大德三上
故大行體高上如世尊長第三勝者亦有三義一
無上故勝不可加故二無等故勝不可匹故三普
偏故勝體周法界無可勝故鈔此義有二者此

十地勢十句相釋以二三四釋於初句以五六七
釋第二天字以八九十釋第三勝字文並可知
性無三毒性無憍慢性不覆藏性不慳嫉性無諂誑
性自慚愧終不爲惱一衆生故而行精進

疏離過中卽難行精進性無間雜最爲難故先離
自惱之過謂本隨煩惱任運不起故曰性無圓融
教中地前得爾後終不爲下明離惱他鈔卽難
行者在文易知然皆忘三輪故精進三輪者卽衆
生高下事用分別

但爲斷一切煩惱故而行精進但爲拔一切惑本故

釋述

華嚴疏錄卷四

四

三

而行精進。但爲除一切習氣故。而行精進。

疏三辨進所爲中。有二十句。具含三種精進。但爲是被甲。四弘願故。而行即是方便。加行。所爲之法。是所攝善。鈔具含三種者。唯識說三。一被甲。二攝善。三利樂。無性釋云。一被甲。二加行。三無怯弱。無退轉。無喜足。初者謂最初時。自勵言。我當作如是事。卽是解契經所說初有勢力句。次卽加行有勤句。無怯等者。謂隨事意樂。所作善事。乃至安坐妙菩提座後。不放捨於自疲苦心。無退屈名。無怯弱。於他逼惱。心不動移。名無退轉。乃至菩提於其

中間進修善品。常無懈廢。名無喜足。如是三句。解釋契經所說有勇猛於諸善法。不捨離故。世親釋三精進大同無性釋經五句。復云。所以者何。或有最初求於無上正等菩提。雖有勢力。而加行時不能策勵。故說有勤。雖復有勤心。或怯弱爲對治。彼故說有勇。由有勇故。心無退屈。心雖無怯。逢生死苦心。或退轉。由此退失所求佛果。爲對治彼。立無退轉。無退轉者。卽是堅猛。故無退轉。顯示堅猛。由有堅故。逢苦不退。由有猛故。不懼於苦。雖逢衆苦。能不退轉。而得少善。便生喜足。由此不證無上菩

提是故次說無喜足。是不得少善生喜足義。此卽顯示不捨善範。由此義故說二精進然被甲者從喻立名。如人入陣。先須被甲以防弓矢。今求菩提先誓願以防退屈。本業直云一起大誓願之心。二方便進修三勤化衆生。

疏文分爲四。初二斷惑。次七度生。次四知法。後六求佛卽四弘也。今初初斷現行。次斷種子。後斷餘習。

但爲知一切衆生界故而行精進。但爲知一切衆生死。此生彼故而行精進。但爲知一切衆生煩惱故而行精進。但爲知一切衆生心樂故而行精進。但爲知一切衆生境界故而行精進。但爲知一切衆生諸根勝劣故而行精進。但爲知一切衆生心行故而行精進。

疏一度衆生中爲成十力智故。煩惱是漏。意令其盡。境界卽徧趣行心行義。兼於業生死義。兼宿住處非處力。總故不明。

但爲知一切法界故而行精進。但爲知一切佛法根本性故而行精進。但爲知一切佛法平等性故而行精進。但爲知三世平等性故而行精進。

撰述

聖嚴面金卷四

疏三有四句知法中初總餘別別中一事法界。若本自入法則以淨信爲根本。若約利他則以慈悲爲根本等。一卽理法界云平等性。三事理無礙法界。三世之事卽平等理性也。事隨理融義合事事無礙。

但爲得一切佛法智光明故而行精進。但爲證一切佛法智故而行精進。但爲知一切佛法一實相故而行精進。但爲知一切佛法無邊際故而行精進。但爲得一切佛法廣大決定善巧智故而行精進。但爲得分別演說一切佛法句義智故而行精進。

疏四有六句求佛中初二卽智。初句教智光明。後一句證智。次二知境先真後俗。後二皆權智。前句知機識藥。後句四辨宣陳。分別演說。卽是樂說。說於法義句。卽是辭上之四弘。初二知苦斷集後二修道證滅。卽無作四諦之境也。

佛子菩薩摩訶薩成就如是精進行已。設有人言汝頗能爲無數世界所有衆生。以一一衆生故於阿鼻地獄經無數劫。備受衆苦。令彼衆生一一得值無數諸佛出興於世。以見佛故。具受衆樂。乃至入於無餘涅槃。汝乃當得阿耨多羅三藐三菩提能爾不耶。答

言我能。

疏第二佛子菩薩下隨難別釋於中二先明被甲精進後明利樂精進今初全同瑜伽之文但論以被甲爲初約先心自誓故本業三進之中初名大誓今居攝善之後就假設遇緣耳文有兩番問答初番可知鈔今初全同瑜伽者四十二云一擐誓甲若我脫一有情苦以千大劫爲一日夜處於地獄經爾所時證大菩提乃至過此千俱胝倍無懈怠心况短時苦薄耶有能於此生少淨信已長養無量勇猛大菩提性況成就耶故云約先心自

誓。

設復有人作如是言有無量阿僧祇大海汝當以一毛端滴之令盡有無量阿僧祇世界盡未爲塵彼滴及塵一一數之悉知其數爲衆生故經爾許劫於念念中受苦不斷菩薩不以聞此語故而生一念悔恨之心但更增上歡喜踊躍深自慶幸得大善利以我力故令彼衆生永脫諸苦。

疏後設復有下第二番中更難於前得大善利者我本發心願代物苦但慮不容相代今聞苦身能遂順本悲心不慮時長但增喜慶長劫不懈况盡

撰述

聖嚴疏金卷四

壽耶。一念不悔。卽忘身無間。自慶得利。卽平等通達。有深功德爲難行也。鈔有深功德者。瑜伽難行精進有三。若諸菩薩無間遠離諸衣服想。諸飲食想。諸卧具想。及已身想。於諸善法無間修習。曾無懈怠。是名第一難行精進。若諸菩薩如是精進。盡衆同分。於一切時。曾無懈廢。是名第二難行精進。若諸菩薩平等通達。功德相應。不緩不急。無有顛倒。能引義利。精進成就是名第三難行精進。今文具三長劫不懈。况盡壽耶。卽是第二。一念不悔。卽亡身無間。卽是第一。自慶已下。卽第三。前行初。

離過亦此第一。

菩薩以此所行方便。於一切世界中。令一切衆生。乃至究竟無餘涅槃。是名菩薩摩訶薩第四無屈撓行疏。第二菩薩以此下利樂精進。卽用前加行攝善以利衆生。令彼涅槃真安樂也。

持三戒信官王維新領募銀七兩四錢六分七

釐刻此一卷

撰述

華嚴疏金卷四

三

謂

林汝球五錢

王惟新六兩九錢六分七釐助

刺伏願

先考王司敬先妣陳氏顧氏廣還祿生極樂還度
衆生者

大方廣佛華嚴經疏鈔卷十九之四

終

大方廣佛華嚴經疏鈔卷十九之五

于闐國三藏沙門實叉難陀譯

清涼山大華嚴寺沙門澄觀撰述

十行品二十一之二

佛子何等爲菩薩摩訶薩離癡亂行。

疏第五離癡亂行。

此菩薩成就正念心無散亂堅固不動最上清淨廣
大無量無有迷惑。

疏釋相中二先總顯無癡亂後別明無癡亂今初
句雖有六義乃有十初總餘別總云成就正念者。

然通三義皆名正念。鈔總云成就下釋此總句有一先正釋卽瑜伽九門中自性禪也。論云靜慮自性者聞思爲先所有心一境性總也。

疏一就奢摩他品名爲正念正念卽定以彼定心離妄念之亂故名爲正此從業用立名亦隣近立稱故八正道中正念定攝起信論云心若馳散卽當攝來令住正念二就毘鉢舍那品亦名正念謂不偏鑒達明了於緣故下經云正念諸法未曾忘失二雙運道名爲正念次下經云以正念故善解世間等謂於緣明了是無癡義不異所緣名無亂義卽雙運也又下經云禪定持心常一緣智慧了境同三昧鈔一或奢摩他品二或毘鉢舍那品三或雙運道也疏中便標便引釋成文意可知善解世間等者下云以正念故善解世間一切語言能持出世諸法言說乃至心無癡亂疏自配無癡亂卽是雙運又以別義善解是觀能持是止故爲雙運故下經云禪定持心者卽是第十廻向偈中疏雖有毘鉢舍那及雙運道皆就心一境辨名禪自性鈔雖有毘鉢舍那第二解妨在文可知正是瑜伽出禪自性。

疏別中初句復是無亂之總謂不隨境轉故無散亂。三障不能壞名爲堅固四緣不能牽故云不動。五超劣顯勝故云最上六異世無染故云清淨。上五釋無亂也下四義釋無礙謂七稱法界故云廣八趣一切智故云大九引發難量故云無量十不捨大悲名無迷惑上九別句攝爲三禪前六現法樂住次二引生功德後一饒益有情鈔上九別句者三禪卽瑜伽一切禪也唯識但列而不釋名瑜伽釋廣今依攝論無性釋云二安住靜慮謂得現法樂住離慢見愛得清淨故二引發靜慮謂能

引發六神通等殊勝功德故三成所作事靜慮。畱咀欲饒益諸有情類以能止息饑儉疾疫諸怖畏等苦惱事故梁攝論中釋三定云有現世得安樂住何以故能離一切染污法故。依此定爲生自利謂三明故能引成六通。一因引成通定生隨利他利他卽是三輪一神通輪謂身通天耳通天眼通此輪爲引邪向正者令其歸正二記心輪謂他心通天耳通天眼通此輪爲引已歸正者若未信受令其信受三正教輪謂宿住通漏盡通宿住通識其根性由漏盡通如自所得爲說正教令得下種。

撰述

華嚴疏金卷五

成熟解脫。由具此義。是故說定有其三品爲離癡亂行。

以是正念故。

疏第二以是下別顯無癡亂如次釋前十義卽爲十段亦初一爲總釋前正念於中分二。初結前生後。

善解世間一切語言能持出世諸法言說。

疏後善解已下顯正念之能文曲分二先雙標後雙釋。今初也正念有觀故能善解正念有止所以能持世言無益但須善解出世有益偏語憶持出世不解應不持義世言不持應無記憶故文雖影畧義必兩兼解事解理故名善解。鈔正念有觀下疏文有五初正釋順文二世言無益下出經局意三出世不解下立理顯通四故文雖下結成通義五解事下別釋善解。

所謂能特色法非色法言說能持建立色自性言說乃至能持建立受想行識自性言說心無癡亂於世間中虎此生彼心無癡亂入胎出胎心無癡亂發菩提意心無癡亂事善知識心無癡亂勤修佛法心無癡亂覺知魔事心無癡亂離諸魔業心無癡亂於不

可說劫修菩薩行心無癡亂。

疏二所謂下雙釋。分二先通就諸境明無癡亂。後此菩薩下別約所持明無癡亂。今初也據無癡亂文但有九開初爲一句亦有十謂法義別故初句卽法無礙合蘊成一謂色與心非色謂心卽餘四蘊。一能持建立下義無礙也。義有二種。自性亦二一事二理。事卽質礙爲色性等。理卽無性爲色等性皆無名相中施設建立持言及義卽文義二持。今正覺理事離妄分別名無癡亂此二釋上能持下八釋上善解義必兼具故癡亂雙舉。

疏二於五蘊生滅得無癡亂。十地品云。死有一種業一能壞諸行。二不覺知故相續不絕。今此菩薩於二事理靜無遺照故無癡亂。

疏四偏語胎生明無癡亂。瑜伽第二說四種入胎。一正知入而不知住出所謂輪王。二正知入住不正知出所謂獨覺。三俱能正知所謂菩薩。四俱不正知謂餘有情前之二人尚有癡亂也。凡夫癡亂相者謂下者見所生處在於廁穢中者見在宅舍上者見處華林若男於母生處於父生瞑謂競母故女則反上大集二十七涅槃十八二十九俱舍

第九皆具說之。鈔瑜伽第二下疏文有一先正釋無癡亂言。二示癡亂相。前中文顯。俱舍第九論問起云。前說倒心入母胎藏。一切胎藏皆定爾耶。釋曰。此牒前倒心趣欲境。濕化染香處爲問也。論中荅云不爾。經言入胎有四。其四者何須云。一於入正知。二三兼住出。四於一切位及卵恒無知。前三種入胎。謂輪王二佛業智俱勝故。如次餘四生。釋曰。但觀上瑜伽頌文易了。但業智俱勝更須畧釋第一輪王以業勝故。正知於入宿世曾修廣大福故。第二辟支佛但智勝故。正知入住久習多聞。

勝思擇故。第三大覺福智俱勝。三皆正知。謂曠劫修行勝福智故。除此前三餘胎卵濕福智俱劣故。皆癡亂。大集一十七多同涅槃。涅槃十八者南本十六經云善男子。人有三種。謂上中下。下品之人初入胎時。作是念言。我今在廁。衆穢歸處。諸死屍間。棘刺叢林。大黑暗中。初出胎時。復作是念。我今出廁。諸穢惡處。乃至出於大黑暗中。中者念言。我今入於衆樹花果園林。清淨河中。房室屋宇宅舍之中。出時亦爾。上品之人作是念言。我昇殿堂。在花林間。乘馬乘象。登上高山。出時亦爾。菩薩摩訶

薩初入胎時。自知入胎。住時知住。出時知出。不起貪欲瞋恚之心。而亦未得初住之地。是故復名不可思議。一十九者。南本二十七經云。中陰二種。一善業果。一惡業果。因善業故。得善覺觀。因惡業故。得惡覺觀。父母交會和合之時。隨業因緣。向受生處。於母生愛。於父生瞋。父精出時。謂是已有。見已心悅。而生歡喜。以是三種煩惱因緣。中陰陰壞。生後五陰。如蠟印印泥。印壞文成。釋曰。此畧舉男。俱舍第九。則具男女。論釋倒心趣欲境。云。此明中有先起倒心。馳趣欲境。彼由業力所起眼根。雖住遠方。能見生處。父母交會而起倒心。若男中有緣。母起愛。生於欲心。若女中有緣。父起愛。生於欲想。翻此緣。俱起瞋心。彼由起此二種倒心。便謂已有。身與所愛合。所泄不淨。流至胎時。謂是已有。便生歡喜。此心生已。中有便沒。受生有身。餘廣如彼。瑜伽又說。彼胎藏者。若當爲女。於母左脇倚脊。向腹而住。若當爲男。於母右脇倚腹。向脊而住。又此胎藏業報所發。生分風起。令頭向下。足便向上。胎衣纏裹。而趣產門。其正出時。胎衣遂裂。分之兩腋。出產門時。名正生位。並可知。

疏次三及十文並可知。八九各有通別。別謂四魔十魔及業。如離世間品及大品魔事品起信論說若依智論除諸法實相皆菩薩魔事起心動念悉是魔業。今以智覺察不隨其轉。如人覺賊及偷狗故知魔界如。與佛界如。如無二故。既覺其事。卽不造其業。鈔別謂四魔者。四謂天陰煩惱及死言十魔者。一蘊魔。生取著故。二煩惱魔。恒雜染故。三業魔。能障礙故。四心魔。起高慢故。五死魔。捨生處故。六天魔。自慢縱故。七善根魔。恒執取故。八三昧魔。久耽味故。九善知識魔。起著心故。十菩提法智魔。不願捨離故。言及業者。忘失菩提心。修諸善根。是爲魔業。二惡心布施。瞋心持戒。捨惡性人。遠懈怠者。輕慢亂意。譏嫌惡慧。乃至第十增長我慢。無有恭敬。於諸衆生多行惱害。不求正法眞實智慧。其心弊惡。難可開悟。是爲魔業。起信論者。餘論廣有此論分明。人易尋故。故依示耳。卽修行信心分中。論云。或有衆生無善根力。則爲諸魔外道鬼神之所惑亂。若於坐中現形恐怖。或現端正男女等相。當念唯心境界。則滅終不爲惱。或現天像菩薩像。亦作如來像。相好具足。若說陀羅尼。若說布施

魔。不願捨離故。言及業者。忘失菩提心。修諸善根。是爲魔業。二惡心布施。瞋心持戒。捨惡性人。遠懈怠者。輕慢亂意。譏嫌惡慧。乃至第十增長我慢。無有恭敬。於諸衆生多行惱害。不求正法眞實智慧。其心弊惡。難可開悟。是爲魔業。起信論者。餘論廣有此論分明。人易尋故。故依示耳。卽修行信心分中。論云。或有衆生無善根力。則爲諸魔外道鬼神之所惑亂。若於坐中現形恐怖。或現端正男女等相。當念唯心境界。則滅終不爲惱。或現天像菩薩像。亦作如來像。相好具足。若說陀羅尼。若說布施

撰述

聖嚴陀羅金卷五

証

持戒忍辱精進禪定智慧或說平等空無相無願無怨無親無因無果畢竟空寂是真涅槃或令人知宿命過去之事亦知未來之事得他心智辨才無礙能令衆生貪著世間名利之事又復令人數瞋數喜性無常準或多慈愛多睡多病其心懈怠卒起精進後便休廢生於不信多疑多慮或捨本勝行更修雜業若著世事種種牽纏亦能使人得諸三昧少分相似皆是外道所得非真三昧或復令人若一日若二日若三日乃至七日住於定中得自然香美飲食身心適悅不饑不渴使人愛著

或亦令人食無分齊乍多乍少顏色變異以是義故行者當應智慧觀察勿令此心墮於邪網當勤正念不取不著則能遠離是諸業障釋曰此一段文雖則稍廣亦爲要用其中兼有對治則顯菩薩心無癡亂若依智論除諸法實相等者論有喻云譬如蠅能緣一切物唯不能緣火炎卽爲燒故魔亦如是能緣一切法唯不能緣諸法實相若入實相魔卽實相何所惑耶故論云魔界如佛界如一如無二如皆法界印豈以法界印更壞法界印又八十二云魔見解般若菩薩如捕魚人見一大魚

入深大水釣網所不及則絕望憂愁以離六十二見網故又七十三中魔作大沙門有重威德等或時語菩薩般若三解脫門是魔說但是空汝常習此空於中得證不得不證云何作佛作佛法先行布施持戒等修三十二相福德坐道場時爾乃用空菩薩或行或信或疑遠離般若釋曰依此世魔甚多七十一云魔作知識身說般若空雖有罪福名而無道理或說空可卽取涅槃釋曰前七十三魔令莫修空而須修事行此中說斷滅空令其趣證故人多惑耳若得諸法實相亦不捨空修事亦不謂空礙有亦不以空爲證則以般若性空導一切行修無所修則魔不能令菩薩癡亂今以智覺察下示不爲癡亂所以如人覺賊及偷狗者卽涅槃南經邪正品北經亦如來性品卽第七經如人覺賊賊無能爲又因迦葉問依四種人難云世尊魔等尚能變作佛身況當不能作羅漢等佛言善男子於我所說若生疑者尚不應受況如是等是故應當善分別知善男子譬如偷狗夜入人舍其家婢使若覺知者卽應驅罵汝疾出去若不出者當奪汝命偷狗聞之卽去不還汝等從今不應如

是降伏波旬應作是言。波旬汝今不應作如是像。若故作者當以五繫繫縛於汝。魔聞是已便當還去如彼偷狗更不復還下廣說佛說魔說之相。此文但令覺察。

此菩薩成就如是無量正念於無量阿僧祇劫中從諸佛菩薩善知識所聽聞正法。

疏第二此菩薩下別約所持法門明無癡亂文有二別先正明後徵釋前中三初結前標後次所謂下正顯所持三菩薩下結無癡亂。

所謂甚深法廣大法莊嚴法種種莊嚴法演說種種

名句文身法菩薩莊嚴法佛神力光明無上法正希
望決定解清淨法不著一切世間法分別一切世間
法甚廣大法離癡翳照了一切衆生法一切世間共
法不共法菩薩智無上法一切智自在法。

疏二正顯中有十五法一所證理體大分深義所
謂空故卽事真故鈔大分深義者卽十二門論
但改彼也字爲故字耳。

疏一卽體業用之法三具德相故四一具一切故
云種種上四卽所詮理法五卽能詮教法義見初
卷六行法以因嚴果故七果法上七通明四法下

八唯約地位亦果行收謂八卽初地大願已證理故名正希望決定解斷一障故云清淨。九卽根本智十卽後得此二通至七地十一甚深廣大法卽八地法證深法忍如法界故十二九地是法師位了物機故十三十地知世間集共不共等故譬無常等通色心故名之爲共色心類殊名爲不共又器世間名共共業感故衆生世間不共自業成故此二唯約所知又隨他意行名共隨自意行名不共又靜慮無色四等五通雖共凡小菩薩無漏大悲故名不共。鈔共不共等此有二義前義十地更釋後義出現品明又隨他意行下卽涅槃經意明佛有三語隨自意語隨他意語隨自他意語立行亦然如前已引。

疏十四等覺智十五如來智上豎明諸位若約橫配者初一唯因後一唯果中間六智通於因果而別義相顯。

菩薩聽聞如是法已經阿僧祇劫不忘不失心常憶念無有間斷。

疏三結無癡亂者不忘不癡不失不亂心常憶下通結相續。

撰述

毒蘋疏錄卷五

何以故。菩薩摩訶薩於無量劫修諸行時。終不惱亂一衆。生令失正念。不壞正法。不斷善根。心常增長廣大智故。

疏第二。何以故下。徵釋。釋中以因深故。不亂衆生。得無亂果。不壞正法。增廣大智。得無癡果。不斷善根。得相續果。因果影響。孱然無差。鈔孱然無差者。孱現也。

復次此菩薩摩訶薩種種音聲不能惑亂。

疏第一。復次下別釋上九攝爲三禪。初六釋前現法樂住。卽爲六段。今初釋前心無散亂文二初

標。

所謂高大聲。麁濁聲。極令人恐怖聲。悅意聲。不悅意聲。諠亂耳識聲。沮壞六根聲。

疏二。所謂下釋。釋中又二。前釋種種音聲。畧列七種。言沮壞六根者。非唯引奪耳根。亦令餘根不能緣境。故名沮壞根以見等而爲義故。又沮壞者。如治禪病經云。因於外聲動六情根。心脉顛倒。五種惡風從心脉入。風動心故。或歌或舞。作種種變。此卽破壞之義。旣壞意身。餘皆隨壞。然色可冥目。觸味合知。香少詮顯。爲禪定刺。唯在於聲。故偏語之。

撰述

華嚴疏錄卷五

三

四

明無癡亂。非餘四塵不能亂也。故上忍中遇身加害。心無散亂。鈔五種惡風者。卽治禪病秘要經第一標云。治阿蘭若亂心病七十二種法。經云。尊者舍利弗所問出雜阿含。阿蘭若事下取意引。卽諸釋子比丘坐禪。因毘琉璃王象戲驚怖發狂。阿難令閉門。白舍利弗。舍利弗牽其問佛。經云。唯願天尊慈悲一切。爲未來世諸阿蘭若比丘。因五種事。令心發狂。一因亂聲。二因惡名。三因利養。四因外風。五因內風。此五種病。當云何治。惟願天尊爲我解說。爾時世尊卽便微笑。有五色光從佛口出。

繞佛七匝。還從頂入。告舍利弗。諦聽。諦聽。善思念之。吾當爲汝分別解說。若有行者於阿蘭若修心。十一頭陀於阿那般那。因外惡聲觸內心根。四百四脉治心急故。一時動亂。風力強故。最初發狂。心脉動轉。五風入咽。先作惡口。汝等應當教是行者。服食酥蜜及阿梨勒。繫心一處。先想作一頗梨色鏡。自觀已身在彼鏡中。作諸狂事見此事已。復當更觀而作是言。汝於明鏡自見汝作狂癡事等。廣有治法。末後結云。是名治亂倒心法。復次舍利弗。旣去外聲已。當去內聲者。因於外聲動六情根。心

撰述

華嚴疏金卷五

古

言

脉顛倒。五種惡風從心脉入風動心故。或歌或舞作種種變汝當教洗心觀。洗心觀者先自觀心令漸漸明。猶如火珠四百四脉。如毘瑠璃等廣說治法。今疏卽引後段之文。然彼但云五種惡風下更不說。然似前因五種事便爲五風。準金七十論說五種風。一者波那。二者阿波那。二者優陀那。四者婆那。五者婆摩那是五種風。一切根同一事。波那風者口鼻是其路。取外塵是事。謂我止我行。是其作事。外日是波那何根能作。答曰是十三根共一事。謂十一根并大我慢譬如籠中鳥鳥動故籠動。

是故十三根同其事。阿波那風者見可畏事卽縮避之。是風若多令人怯弱。優陀那者我欲上山我勝他不如我能作此。大若風多令人自高。謂我勝我富等。是優陀那事。婆那風者徧滿於身亦極離身。是風若多令人離他不得安樂。若稍稍離分分如死離盡便卒。婆摩那風者住在心處能攝持是事。是風若多令人慳惜覓財覓伴。是五種風事並十二根所作。釋曰此五必是也。不依常位從心脉入故發狂亂。

此菩薩聞如是等無量無數好惡音聲假使充滿阿

撰述

華嚴疏金卷五

僧祇世界。未曾一念心有散亂。

疏一此菩薩下釋不能惑亂文亦分二先總明長時不亂。

所謂正念不亂。境界不亂。三昧不亂。入甚深法不亂。行菩提行不亂。發菩提心不亂。憶念諸佛不亂。觀真實法不亂。化衆生智不亂。淨衆生智不亂。決了甚深義不亂。

疏後所謂下別顯不亂之相。句有十一初總餘別。別爲五對。一境審心定。二教達行成。三憶因念緣。四觀真起用。五外淨他惑。自決義門。雖遇惡聲。此

皆無損。上皆一切種禪。謂通名義止觀及二利故。鈔上皆一切種禪者。瑜伽四十三一切種禪。有六種七種總成十三言六種者。一善靜慮。二無記變化。三奢摩他。四毘鉢舍那。五於自他利正審思。惟六能引神通威力功德。言七種者。一名緣。二義緣。三心相緣。四舉相緣。五捨相緣。六現法樂住。七能饒益他。今云名義卽後七中十二是也。止觀卽六七中各是三四。二利卽前六中五六。及後七中五六七。故攝十三。善及與無記亦有通也。

不作惡業故。無惡業障。不起煩惱故。無煩惱障。不輕

撰述

華嚴疏金卷五

十一

慢法故無有法障。不誹謗正法故無有報障。

疏第三不作下。釋前堅固。謂四障不壞。是知菩薩正念堅固。亦是出前不亂之因。言法障者。於法不了。如彼牛羊。此卽所知障也。三障爲言。攝在煩惱體。卽無明故。斯亦清淨靜慮也。鈔斯亦清淨者。瑜伽四十三云。有十種。一由世間淨。離諸愛味。清淨靜慮。二由出世淨。無有染汚。三由加行。四由根本五由本勝進。六由入住自在。七捨靜慮已。復還證入自在八。神通變現自在九。離一切見趣。十。一切煩惱所知障淨。皆有清淨靜慮之言。若配經者。

正是九十。及與初二離垢障故。然大意清淨者。由離三輪故。定三輪者。一境界。二衆生。三惑故。佛子。如上所說。如是等聲。一一充滿阿僧祇世界。於無量無數劫。未曾斷絕。悉能壞亂衆生身心。一切諸根。而不能壞此菩薩心。

疏第四佛子如上下。釋前不動。謂惡緣不能牽故。悉能壞亂衆生身心者。彰聲之過。不能壞亂菩薩心者。對顯難思。

菩薩入三昧中。住於聖法。思惟觀察。一切音聲。善知音聲。生住滅。相善知音聲。生住滅性。

撰述一

聖魔真金卷五

三

詞

疏第五菩薩入下。釋前最上謂超劣顯勝故此下三段亦卽出前無礙亂緣。正示現法樂住之相言超勝者初標人揀禪云菩薩入異凡小故住於已下舉法以揀聖法卽是無漏揀於凡夫思惟觀察揀於二乘二乘入禪不能緣境故身子不覺刑害之手。迦葉不聞涅槃之音。鈔身子不覺者準智論說舍利弗當道坐禪有大力鬼名爲刑害以手搏之從禪定起微覺頭痛白佛佛言賴汝定力此鬼之力。摶須彌山令如微塵自今已後莫當道坐迦葉不聞者如來二月十五日辰朝出聲普告一

切言如來今日中夜當入無餘涅槃若有疑者今悉可問爲最後問然以佛神力其聲徧滿三千大千世界萬類皆至而迦葉不聞定起方覺世界變異驚怪詢問方知如來入般涅槃上之二事一定中不能覺觸二定中不能聞聲故知劣也今菩薩善知故爲超勝。

疏善知已下正顯勝相了性相故相則念念不住取不可得性則三相性空固無所得不得性相違順何依鈔相則念念等者然三相四相一念具足已如初卷今性相別明若相融爲四者攬緣名

生生卽無生空有無礙虛相安立名之爲住。住卽無住圓融形奪隨緣轉變名之爲異。異卽無異兩相都盡各無自性名之爲滅。滅卽無滅斯則卽相而性固無所得。

如是聞已不生於貪不起於瞋不失於念善取其相而不染著。

疏第六如是聞已下釋前清淨卽清淨禪順違中境不生三毒不染善取有定慧故了相無相故名善取有斯正念。大地爲鼓妙高爲椎豈能亂哉。

鈔大地爲鼓等者如幻三昧經云假使以大地爲

鼓須彌爲槌於須菩提耳邊打不能生微念心亂何以故入空定故。

知一切聲皆無所有實不可得無有作者亦無本際與法界等無有差別。

疏第七知一切下釋廣謂稱法界如虛空故亦近釋前又有六句初總餘別別中無得相空無作人空無際性空此三相盡故法界理現與法界等事如理故無有差別理卽事故。

菩薩如是成就寂靜身語意行至一切智永不退轉。

疏第八菩薩如是下釋前大義此下二段釋引生

功德今云大者趣一切智不退轉故卽難行禪也
鈔卽難行禪者難行瑜伽有三明法已引今重
取意出之謂住深靜慮捨而利生生欲界爲一依
止靜慮發無量菩薩二乘境界等持爲二依此速
證無上菩提爲三今文正當第三

善入一切諸禪定門知諸三昧同一體性了一切法
無有邊際得一切法真實智慧得離音聲甚深三昧
得阿僧祇諸三昧門增長無量廣大悲心是時菩薩
於一念中得無數百千三昧聞如是聲心不惑亂令
其三昧漸更增廣

疏第九善入下釋前無量謂引發難量故文分爲
三初引自利德文有六句初標一切門禪次四別
顯後一類結多門則何定不攝復云門者三昧無
量數如虛空今一中攝多故名爲門如牽衣一角
如鑑王來鈔初句標舉一切門者瑜伽云略有
四種一有尋有伺靜慮二喜俱行三樂俱行四捨
俱行復云門者卽智論云何以不但言三昧而復
說門答但語三昧無量數如虛空無邊菩薩云何
盡得是故說門菩薩入一三昧中攝無量三昧如
牽衣下同此中意

疏次增長下。引利他德後是時下。結不爲亂。非唯不亂。本定更增。如猪揩金山。風熾於火。鈔非唯不亂者。下出增相。猪以穢身。揩於金山。非唯不汚。而令山色轉益明淨。斯乃外境之猪。益定山之淨。作如是念。我當令一切衆生安住無上清淨念中。於一切智得不退轉。究竟成就無餘涅槃。是名菩薩摩訶薩第五離癡亂行。

疏第十作如是下。釋無迷惑。謂耽著禪味。不起大悲。是爲迷惑。今悲以導禪。故無迷也。此卽饒益有情禪也。住清淨念。卽現世樂。得智斷果。卽後世樂。

是謂與二世樂也。鈔住清淨念等者。瑜伽二世樂有九。一神通變現。調伏有情靜慮。二記心變現。調伏有情。三教誠變現。調伏有情。四於造惡者示現惡趣。五於失辯者能施辯才。六於失念者能施正念。七制造建立無顛倒論。微妙讚頌。摩怛理迦。能令正法久住於世。八於諸世間工巧業處。能引義利。饒益有情。種種書契測度數印。床座等事。能隨造作。九生於惡趣。所化有情。爲欲慙時息彼衆苦。放大光明照觸靜慮。今但通舉二世樂義。佛子。何等爲菩薩摩訶薩善現行。

疏第六善現行體卽般若。鈔體卽般若者亦忘三輪而照也。般若三輪者。境智衆生分別。

疏瑜伽一切般若亦有三種。一能於所知真實。隨覺通達慧。二能於如所說五明處。及三聚中決定善巧慧。三能作一切有情義利慧。攝論以加行根本後得爲三。皆六度明義。唯識以生法俱空。本業以照於三諦。皆十度明義。鈔瑜伽下正釋名有二。先引三慧立名不同。畧出四說就攝論三中。準論具列之一。無分別加行慧。一無分別根本慧。二無分別後得慧。論具釋云。無分別加行慧謂真。如無分別後得慧。論具釋云。無分別加行慧謂真。如觀前勝方便智。一無分別根本慧者。謂真如觀智。三無分別後得慧者。現諸世俗智能起種種等事。梁論三慧者。論中釋云。從聞無相大乘教得聞思修入分別相空。通名無分別加行般若。以入三無性者。無分別智。名無分別般若。得無分別智。後得入觀。如於所證。或自思惟。或爲他說。名無分別後得般若。由具此義故說般若有其三品。本業以照於三諦者。經云。一照有諦慧。二照無諦慧。三照中道第一義諦慧。皆十度明義者。經具十故。

疏經有十度。應依本業今爲順文。且依瑜伽則權

撰述

華嚴疏金卷五

三

詩

實無礙。皆名善現。雖彼依六度。今圓行菩薩。則十度齊修。據行布分。兼正不同。亦不相濫。鈔雖彼依下解妨云。唯識云。若依六度。則般若具攝三慧。謂加行根本後得。若爲十度。第六唯攝無分別智。今何引六而成十耶。故今釋云。約圓行說。亦兼正明義。如本業是。

此菩薩身業清淨。語業清淨。意業清淨。住無所得。示無所得。身語意業能知。三業皆無所有。無虛妄故。無有繫縛。凡所示現。無性無依。

疏就釋相中。古人亦依本業三慧分三。初明中道。

次念生無性等。以爲照無普入已下。明其照有。此得次第三諦。失於圓融。又照無經中。佛法世法。二互不異。亦不雜亂。豈獨是無。今約圓融。依於瑜伽。兼正以辨。各具三諦。故彼論釋初慧云。於一切法悟平等性。人大總相。究達一切所知。邊際遠離。增益損減。二邊順入中道故。鈔古人亦依下。初敍昔。此得次第下。二辨非。今約下。三辨正文中。猶畧今具引三慧。瑜伽釋三慧相云。云何菩薩一切慧。此有二種。一者世間慧。二者出世間慧。復有三種。一能於所知真實隨覺通達慧。謂若諸菩薩。於離

撰述

華嚴疏錄卷五

三

言說法無性。或於真諦將欲覺悟。或於真諦正覺悟時。或於真諦覺悟已後。所有妙慧。最勝寂靜。明了現前。無有分別。離諸戲論。於一切法悟平等性。入大總相。究達一切所知邊際。遠離增益損減。二邊順入中道。是名菩薩能入所知真實隨覺通達。慧釋曰。據此卽具足加行根本。後得二慧亦具照有照無照中道三慧之體。是第一慧。今經文中第一段內。便具三諦之慧。故與之同。二將上證真善了於俗。故廣知五明等論云。若諸菩薩於五明處。決定善巧演說。如前力種性品。應知其相。及於三

聚中決定善巧。謂於能引義利法聚。能引非義利法聚。能引非義利非非義利法聚。皆如實知。於是八處所有妙慧。善巧攝受。能速圓滿。廣大無上妙智資糧。速證無上正等菩提。釋曰。此是後得廣知諸法三聚。卽前能引義利等。亦卽善惡無記。兼五明爲八。五明卽內明。因明等三釋能作一切有情義利慧。云有十一種。如前應知者。卽三十七論。成熟品。成熟自性。自有十一。謂由有善法種子。一及數習諸善法。一獲得能順。二障斷淨。三增上心。有堪任性。四極調善性。五正加行滿。六安住於此。若

撰述

華嚴疏卷五

遇大師。不遇大師。皆有堪任。^七有大勢力。入無間能證煩惱障斷。^九所知障斷。^十譬如癰瘍熟至。究竟無間可破。說名爲熟。^{十一}前十別明。後一總喻熟相。

疏文分二別。先明行相。後顯成益。前中亦二。先畧後廣。前中又二。先總標。後能知下解釋。今初也。二業清淨。是能示體。示於二業。正是現義。住無得現。現卽無得寂。用無礙斯。卽中道。可稱善現。若異後有無而說中者。相待中也。鈔住無得現者。住無所得。卽空觀也。示無所得身等。假觀也。故云住業皆示。故致凡言。

無得現言。現卽無得。上二不二。中道觀也。故云寂用無礙斯。爲中道。從若異後下。結彈古人以瓔珞三慧別配得中道。慧是相待中。非得中也。

疏二釋中。能知三業皆無所有。是住無得義。不妄取有。離二邊縛。是清淨義。凡所示現。無性無依。釋示無得義。以境無定性。心無所依。皆不可得也。三業皆示。故致凡言。

住如實心。知無量心自性。知一切法自性。無得無相。甚深難入。

疏二住如實下。廣辨行相。中三初。如實隨覺慧。二

撰述

華嚴疏鈔卷五

五

音

佛子此菩薩作如是下於五明等善巧慧二菩薩
 爾時下能作有情義利慧今初如實覺於三業而
 現三業於中先別明後總結前中三業卽爲三段
 今初意業是二本故首而明之如實心者用所
 依也住者心冥體也知無量心等者不礙用也卽
 所示意業多心多法皆有諦也境旣無相心何所
 得卽無諦也有無不二故曰甚深卽中道義也不
 可以次第三觀而觀故名難入唯圓機方能入故
 何者若偏觀三諦是常是斷是相待故若總觀者
 一則壞於三諦異則迷於一實故卽一而三卽三
 而一非三非一雙照三一在境則三諦圓融在心
 則三觀俱運住之與知卽是觀也鈔何者若偏
 觀下出次第三觀過相有則定有定有著常以離
 空故定無著斷離二明中故是相待若總觀下示
 圓融三觀之德於中先有兩句向上成次第之過
 明次第三觀有一異過故二者卽初二句反釋雙
 遮三一故卽一而三下雙融三一具有四句皆融
 卽一而三是一句卽三而一是第二句雙非二一
 是雙非句由卽一而三故非三卽三而一故非一
 四雖卽一體而三用歷然雖有三用而一體無二

故雙照三一。卽遮而照。卽照而遮。故圓融也。在境下結成諦觀。

疏古德以凡所下。至於難入。明唯識觀。非無所以。唯識之義不彰。又有釋云。心非境外。故無得境。非心外。故無相。卽心是境。故甚深。卽境是心。故難入。亦是一理。鈔古德下敍。昔雖非經意。釋文稍巧。故復敍之。故云亦是一理。以唯識觀相不明顯故。不爲正故。

住於正位。真如法性。方便出生。而無業報。不生不滅。疏二。住於正位下。釋示身業。正位等三。卽示所依。

方便已下。依體起用。由非惑業之生。故生滅。卽無生滅。此中正位。卽真如異名。非約見道。以知契會。故稱爲住。無住住者。卽住真如。

住涅槃界。住寂靜性。住於真實無性之性。言語道斷。超諸世間。無有所依。

疏三。住涅槃下。釋示語業。前之三句。示之所依。言語道斷。顯示而無相。卽言亡言。是斷言道。故晉經云。非有說有。言語言道斷。鈔晉經云。非有說有者。今經無此。示言相隱。但有言語言道斷。卽通身意。故引晉經意。在有說之言。

撰述

華嚴疏金卷五

三

四

疏然上之所住總有七種體一名異異從義別。一如實心者。卽自性清淨心是爲總相次正位等三。卽心之體性正位者法所住故真如語其自體是實是常法性約爲諸法之本迷此真如有諸法故成諸法已不失自性故名法性亦卽因相涅槃等三卽是果相住涅槃界卽是真如體圓寂故出二礙故。故智論云有菩薩發心卽觀涅槃行道恐此涅槃濫唯在果故云住寂靜性謂約真如體無妄動卽是涅槃如此之性體爲有無故云無性無性之性卽是實性非謂斷無故舉多名方顯所住之

深奧依此示現方明所現之爲善。鈔然上之所住下總釋上三業所住不同一如實心卽自性清淨心者勝鬘起信等皆立此名莊嚴論第六云衆生於無性及有可得此一處中更生怖畏爲遮怖心而說頌云譬如清水濁穢除還本淨自心淨亦爾。唯離客塵故以說心性淨而爲客塵染不離心真如別有心性淨釋曰後偈釋前偈上半合上半下半釋下半旣不離心真如別有心性明知但是離於客塵說之爲淨淨體卽是自心心卽真如此自性淨心卽如來藏亦是本來淨識故真諦三藏

說有九識。第九名阿摩羅識。若唐三藏此翻無垢。卽第八異名。謂成佛時轉第八識以成此識。無別第九。若依密嚴經。心有八種。或復有九。又下卷云。如來清淨藏亦名無垢智。卽同真諦所立第九。又真諦三藏所翻決定藏論九識品云。第九阿摩羅識有二種。一者所緣。卽是真如。二者本覺。卽真如。智能緣。卽不空如來藏。所緣。卽空如來藏。若據通論。此二並以真如爲體。故起信一心二門。生滅門中。說其本覺真如門體無二也。餘名隨釋可知。故舉多名者。卽上七名。故收真如法界。畧有百名。權

教最多。言百名者。謂法性。不虛妄性。不變異性。平等性。離生性。法定性。法性。實際。虛空界。不思議界。

上大般若真如實有空不空性勝義。已上佛地論攝論

無相無爲正性

已上思益中

法位

大品

真性

無我性。真實性。一心

上亦大品

下三華嚴

唯識性

無性法印

第一迴向云以法界印印諸善根

寂滅智論

三性中。名圓成實性。三身中。名法身。三淨土中。名法性。上三佛性中。名自性住性。五法中。名如如五藏。中名皆是。謂法界藏。法身藏。出世間上藏。自性清淨藏。如來藏。四勝義中。名勝義勝義。亦通

證得及道理中滅諦。

瑜伽六十四中

六諦中亦名

真諦現觀。七諦通達中名法性。

顯揚

二種佛性中

名理佛性。十四諦中名勝義諦。三般若中名實相

般若。三三寶中名一體。三解脫中名空。

出智論七
十四

二果中名智果。涅槃中名性淨。方便淨。二諦

中名真諦。勝義諦。三諦中名空諦。

仁王經四諦中

名滅諦。或名實諦。顯揚名一諦。或名中道。或名解

脫涅槃中以一百門顯解脫異名。或名不二法門

或名無二無性。或名實性。或名實相。或名無量義。

亦名第一義諦。亦名第一義空。上來衆名。若在大

乘權教中者。但就理名之。若實教中。或就卽事之。理卽理之事。事事無礙。然皆通權實。

入離分別無縛着法。入最勝智真實之法。入非諸世間所能了知出世間法。此是菩薩善巧方便示現生相。

疏二入離下。總結三業中初句結心。故無縛著。次句結身卽所住真如等。三結前語卽超諸世間等。未句總結三業。皆寂用無礙。故名善巧。善現之名。從斯而立。

佛子。此菩薩作如是念。一切衆生無性爲性。一切諸

撰述

華嚴疏金卷五

三

法無爲爲性。一切國土無相爲相。一切三世唯是言說。一切言說於諸法中無有依處。一切諸法於言說中亦無依處。

疏第二佛子下辨五明處三聚中決定善巧慧故於文中解世間法於中分三初以理會事二菩薩如是下事理無礙三永不下順理起悲今初文有六句一衆生緣生故說無性二法依真起故會歸無爲三國是心之相分故四時依法以假言故五名無得物之功效若名在法中見義應知名故六物無當名之實故若法在名中聞名則應識義召火應當燒口故鈔名無得物之功者若依世俗名以召實實以當名故使命火不得於水命水不得於火今約真諦故平等無依此五六句皆先標無依後若名在法等反以釋成如有一人雖先知有曾未相識忽然見面終不得知此是某人此爲見義不知名耳義卽境義六中有人雖聞其名竟不識面召火不燒口明知名中無有義也亦應云言飯卽應已飽等故智論四十七云凡有二法一者名字二者名字義如火能照能燒是其義照是造色燒是火用二法和合名爲火也今聞火名

不得照燒之義故無得物之功等。

菩薩如是解一切法皆悉甚深。一切世間皆悉寂靜。一切佛法無所增益。佛法不異世間法。世間法不異佛法。佛法世間法無有雜亂亦無差別。了知法界體性平等。普入三世。

疏一菩薩如是下明事理無礙文有七句初一總顯甚深餘句別顯深相然世法與佛法實無二體假約事理以分其二故以五句顯非一異一世相卽空故云寂靜一佛法平等故無增益三以理無不事故佛法不異世法事無不理故世法不異佛法

法四此全理之事與全事之理而事理不雜五各全收盡互無所遺故云亦無差別末句了前諸法同法界體故得鎔融普入三世橫鑒該攝鈔然

世法者同一真如故無事非真事亦卽如故云假約事理以分其二故以五句明非一異者初一句當相以辨通非一異正是非一三二句正明不異四一句別明不一五亦無差別句卽事事無礙第六了知卽出所以

疏若約漏無漏說爲世法佛法各具事理釋者一生死卽涅槃故云世間寂靜二無有一法非佛法

故更何所增。三二法染淨雖殊。同一真性。故不相異。四不壞相。故無有雜亂。五皆是卽理之事。而各互收無遺。卽無差別也。六同一法界。總顯所因。鈔若約漏無漏等。對上事理。此二皆通事理。上初二句。卽是非一。今約漏等。初二句義。却成非異。以相卽故。三約同體。四不壞事。五事事無礙。

永不捨離大菩提心。恒不退轉化衆生心。轉更增長大慈悲心。與一切衆生作所依處。

疏三永不下順理起悲。謂無緣之悲。以導前忘機之智。入假化物。初句爲總。謂雖深入智慧。不忘本心。非如八地心欲放捨。下三句別。一不捨願炷。二增大悲油。三秉前智光。故堪爲依處。鈔非如八地者。八地菩薩證無生忍。便欲放捨利衆生事。諸佛勸起。令憶本願。利益衆生。是不忘本心。不捨願炷等。卽菩提燈。

菩薩爾時復作是念。我不成熟衆生。誰當成熟。我不調伏衆生。誰當調伏。我不教化衆生。誰當教化。我不覺悟衆生。誰當覺悟。我不清淨衆生。誰當清淨。此我所宜。我所應作。

疏第三菩薩爾時。下作一切有情義利慧於中二。

先建攝生志。二後已先人。今初文有五句。成熟是總。或因成果熟故。或始未勸獎故。餘句是別。一折伏。二攝化。三令悟本性。成大菩提。四斷惑清淨。得涅槃果。

復作是念。若我自解此甚深法。唯我一人於阿耨多羅三藐三菩提獨得解脫。而諸衆生盲冥無目。入大險道。爲諸煩惱之所纏縛。如重病人。恒受苦痛。處貳憂獄。不能自出。不離地獄餓鬼畜生閻羅王界。不能滅苦。不捨惡業。常處癡暗。不見真實。輪迴生死。無得出離。住於八難衆垢所著。種種煩惱覆障其心。邪見所迷。不行正道。菩薩如是觀諸衆生。作是念言。若此衆生未成熟。未調伏。捨而取證阿耨多羅三藐三菩提。是所不應。我當先化衆生於不可說不可說劫。行菩薩行。未成熟者。先令成熟。未調伏者。先令調伏。

疏二。復作下。先人後已。文分爲四。一假設自度。二而諸衆生下。觀物輪迴。具業惑苦。三菩薩如是下。結所不應。有二過故。一違本誓心。二墮慳貪失。此爲不可。四我當下。決志先拔。鈔二墮慳貪失者。法華第一云。自證無上道。大乘平等法。若以小乘化乃至於一人。我則墮慳貪。此事爲不可。

撰述

垂露頭金卷五

是菩薩住此行時。諸天魔梵沙門婆羅門。一切世間乾達婆阿修羅等。若有得見。暫同住止。恭敬尊重。承事供養。及暫耳聞一經心者。如是所作。悉不唐捐。必定當成阿耨多羅三藐三菩提。是名菩薩摩訶薩第六善現行。

疏第二。是菩薩下顯行成益。於中二業不空。是爲偏益。終至菩提。是究竟益。

信士黃卯錫捐資六兩一錢五分刻此一卷上同母親淑人屠氏室項氏男孟瀾女叔清祈保康泰意大方廣佛華嚴經疏鈔卷十九之五終

大方廣佛華嚴經疏鈔卷二十

于闐國三藏沙門實叉難陀譯

清涼山大華嚴寺沙門澄觀撰述

十行品第二十一之三

佛子。何等爲菩薩摩訶薩無著行。

疏第七無著行體卽方便。鈔體卽方便者。出體下皆釋名。

疏依二方便。由廻向故。不住生死。由拔濟故。不住涅槃。俱無住故。名爲無著。鈔先依唯識二方便釋。唯識但列不釋。無性釋云。方便善巧者。謂不捨

生死而求涅槃。是則說名方便善巧。此總釋也若以前六波羅蜜多所集善根。共諸有情爲欲饒益。諸有情故。不捨有情。當知卽是不捨生死。此舉總中不捨生死卽唯識拔濟方便

上正等菩提爲證無上佛菩提故。當知卽是希求涅槃。此是總中求涅槃亦唯識廻向方便若以此善廻求無

疏本業後四亦各有三。方便三者一進趣向果。二巧會有無。三一切法不捨不受。

疏初卽廻向。二由巧會故。方能拔濟。不捨不受。相同般若。唯識唯明後得。故不立之。本業約兼正不

同。不妨此一。鈔不捨不受下三雙出經論有無之由。兼正之義。下文當知。

疏三皆善巧。故俱無住著。則不二而二之悲智。卽二不二之一心。是無著也。鈔則不二下初合釋前二以二同唯識故。以進趣同廻向。卽大智故。巧會同拔濟。卽大悲故。此二相卽。故唯一心。二卽一心。故不著二。心卽二。故不著一心。

疏有是幻有無。是真空幻有是不有有。故卽真空。真空是不空。空故卽幻有。此二無礙。故名巧會。如是相融。故無所著。鈔有是幻有下。二別約巧會。

有無釋無著名。

疏有能起用空可觀察故皆不捨若受有同凡夫受無同趣證故俱不受。

佛子此菩薩以無著心於念念中能入阿僧祇世界嚴淨阿僧祇世界於諸世界心無所著。

疏二釋相中大分爲二前明自分無著後明勝進無著於自分中已舍前說二三方便在文分三初唯明自行無著二何以下徵釋所由後菩薩如是下類顯萬行前中又二光明淨境無著後見不淨下染境不嫌前中三一明嚴利無著。

往詣阿僧祇諸如來所恭敬禮拜承事供養以阿僧祇華阿僧祇香阿僧祇鬘阿僧祇塗香末香衣服珍寶幢幡妙蓋諸莊嚴具各阿僧祇以用供養如是供養爲究竟無作法故爲住不思議法故於念念中見無數佛於諸佛所心無所著於諸佛刹亦無所著於佛相好亦無所著見佛光明聽佛說法亦無所著於十方世界及佛菩薩所有衆會亦無所著聽佛法已心生歡喜志力廣大能攝能行諸菩薩行然於佛法亦無所著

疏二往詣下於二寶無著於中初敬事供佛次如

撰述

華嚴疏鈔卷二十一

三

四

是下顯供所爲。後於念念下別示無著之相義。兼三寶及自進修皆無所著。言念念者顯速而且多。此菩薩於不可說劫見不可說佛出興於世。一一佛法。所承事供養皆悉盡於不可說劫。心無厭足見佛聞法。及見菩薩衆會莊嚴皆無所著。

疏三此菩薩下長時無著見不淨世界亦無憎惡。

疏二染境不嫌。唯一句者染易捨故。

何以故此菩薩如諸佛法而觀察故諸佛法中無垢無淨無暗無明無異無一無實無妄無安隱無險難。

無正道無邪道。

疏第二徵釋中徵意云欣淨惡穢人之常情。菩薩如何不嫌不著。釋意云不依佛慧淨穢自生順法而觀。二相安在。故云如諸佛法而觀察故佛法即法界佛慧也。

菩薩如是深入法界教化衆生而於衆生不生執著受持諸法而於諸法不生執著發菩提心住於佛住而於佛住不生執著雖有言說而於言說心無所著入衆生趣於衆生趣心無所著了知三昧能入能住而於三昧心無所著往詣無量諸佛國土若入若見

若於中住。而於佛土心無所著。捨去之時亦無顧戀。
疏第三類顯萬行。若自若他。皆無所著。於中初句
結前生後教化已下。廣列所行。言佛所住者。卽聖
天梵等。餘並可知。鈔卽聖天梵等。後會當廣明。
菩薩摩訶薩以能如是無所著故。

疏第二菩薩摩訶薩下。勝進無著文分爲三。初明
自行。二得授記已下。利他。三菩薩如是觀身下。結
行成滿。今初分二。先牒前自分。

於佛法中心無障礙。了佛菩提。證法毘尼。住佛正教。
修菩薩行。住菩薩心思。惟菩薩解脫之法。於菩薩住

處心無所染。於菩薩所行。亦無所著。淨菩薩道受菩
薩記。

疏後於佛法下。正顯勝進。有十一句。初總餘別。總
謂了達教理行果之法故。別中一了果法。謂佛菩
提。二了理法。謂證法毘尼。毘尼梵音。具云毘奈耶。
此稱爲減。若律藏受名義。兼調伏。今云法減。通四
種法。皆有減義。謂教詮減。故行減惑。故果證減。故
理本寂滅。故今文上下既有餘三。故此減者。卽理
減也。又與證義相應圓融教中。此容證故。三住佛
正教。卽了教法。如所教住故。四修菩薩行下。皆行

法也。三句隨相行。行卽萬行。心謂四等。解脫卽諸解脫門。次二句無相行住處。卽前教理及果所行。卽前萬行等。皆無染著也。由此故能淨菩薩道。堪受記別。鈔謂證法等者。又此證者。亦了知義。故梵本具云。蘇鉢喇味底多達磨毘奈耶。釋曰。蘇者善也。鉢喇味底多。了知也。而譯人揀異上果。果但了知。理諦證故。約其四法。但言是理。對上菩提。卽是涅槃。涅槃卽是性淨之理。證卽已爲圓淨涅槃。得受記已。作如是念。凡夫愚癡。無知無見。無信無解。無聰敏。行頑嚚貪著。流轉生死。不求見佛。不隨明導。

不信調御。迷誤失錯。入於險道。

疏第二。大悲利他。中二先增長大悲。後要心拔濟。前中又二。先觀其所悲。後增悲無著。前中又二。先觀迷四諦。故入於險道。後觀迷勝義。故入於險道。今初也。初二句標起念時。凡夫已下辨所念境。有十三句。初總餘別。總謂迷於四諦。皆曰愚癡。鈔先則總觀者。然約二愚迷四諦理。卽是迷勝義愚。卽四重二諦中。第二重二諦。今取第三重中勝義。謂卽真如。故與四不同。四諦但是俗故。疏別中。前五彰迷。後七顯過。前中一不知菩諦。二

不見集過。三不信性本寂滅四五不能修道。一解二行後七顯過。一不見集過故頑嚚貪著卽癡愛也。二由貪愛故受生死苦。次不求見下四句釋不修道初三闕道緣四由不信故迷正道失本解以邪爲正名爲錯誤後一由前不修故入險失滅上一向是凡。鈔頑嚚卽痴愛者尚書堯典注云心不則德義曰頑言不道忠信曰嚚故頑卽癡愛是愛也。

不敬十力王不知菩薩恩戀著住處聞諸法空心大驚怖遠離正法住於邪法捨夷坦道入險難道棄背佛意隨逐魔意於諸有中堅執不捨。

疏二不敬下明迷勝義故入於險道通於凡小初二句離勝緣次二句闕勝因三有生空皆爲住處怖法空者謂斷滅故故大般若諸會之末善現皆愍衆生怖畏法空而與問言云何令諸衆生悟諸法空佛言非先有法後說爲無旣非先有後亦非無自性常空勿生驚怖遠離已下覆疏上義由著處怖空故遠正住邪捨夷入險由離勝緣故背佛隨魔執有不捨魔樂生死佛住空故。

菩薩如是觀諸衆生增長大悲生諸善根而無所著

疏二菩薩如是下。增長悲心。結成無著。

菩薩爾時復作是念。我當爲一衆生於十方世界。一國土經不可說。不可說劫。教化成熟。如爲一衆生。爲一切衆生。皆亦如是。終不以此而生疲厭。捨而餘去。又以毛端徧量法界。於一毛端處。盡不可說。不可說劫。教化調伏一切衆生。如一毛端處。一一毛端處。皆亦如是。

疏第二菩薩爾時下。要心拔濟。以大悲隨逐。文分二別。先起行後乃至下。顯無著前中亦二。先明心無疲厭。以無著故。卽大悲堅固。不以難化而厭捨之後。又以下明其心廣大。謂一毛量處化多衆生。法界皆爾。是爲廣大。

乃至不於一彈指頃。執著於我。起我我所想。

疏二顯無著中三。初舉少。況多。

於一一毛端處。盡未來劫。修菩薩行。不著身。不著法。不著念。不著願。不著三昧。不著觀察。不著寂定。不著境界。不著教化調伏衆生。亦復不著入於法界。

疏次於一一下廣顯無著。

何以故。菩薩作是念。我應觀一切法界如幻。諸佛如影。菩薩行如夢。佛說法如響。一切世間如化業報所。

撰述

華嚴疏金卷二十一

持故差別身如幻。行力所起故。一切衆生如心種種雜染故。一切法如實際。不可變異故。

疏後何以下徵釋所以。所以不著者。後釋有二意。一稱深無相而興念故。二廣徧虛空起加行故。

前中無相難明。寄以喻顯。然此諸喻通喻諸法。如下本品今取義便。各舉其一。則明前所見皆無相也。初句爲總觀事法界。從緣如幻無實體故。是以不著。餘句爲別。一佛隨機現。如影隨質故。又現心水故。二菩薩行。想念生故。未大覺故。三緣成之聲。故隨感有說故。餘句經文自釋。一切法如實際者。

總結也。鈔想念生者。此有二意。一要想念。念方能起行。如夢從想。故智論云。所聞見事多思惟念。故夢見也。未大覺者。大覺是佛。近而說之。七地以前。猶爲夢行。八地爲覺。八地之中。無明未盡。亦是夢境。永斷夢妄思想念。無復諸大陰界入。唯佛一人。是故如來獨稱大覺。

△疏又前明法界如幻。卽體從緣。後結一切法如實際。節事而寂。世人皆謂實際不變。而謂諸法無常。以其所知喻所不知。故置如言理實圓融。世間之相。卽是常住。

△疏然古德以後七喻。展轉釋疑。一疑云。世間幻火。不成燒用。佛現益物。豈同幻耶。釋云。如影。亦有應質。陰覆等義。豈是實耶。然諸法喻各有三義。一緣成義。二無實義。三有用義。意取無實。故不著也。二疑云。若佛如影。菩薩何以起行往求。因既不虛。果寧非實。釋云。如夢。夢亦三義。無體現實。與覺爲緣。謂有夢走。而驚覺故。菩薩行亦爾。證理故空。無明未盡。故似實能與佛果爲緣。勤勇不已。豁然覺悟。如夢度河。三疑云。若菩薩行如夢。何以經說此是菩薩行。此是二乘行。釋云。如響。緣成無本。稱聲大

小。聖教亦爾。機感無本。隨機異聞。四疑云。果行可然。世間未悟。此應是實。釋云。如化。心業神力所持。無實有用。五疑云。若皆如化。何有差別之身。釋云。如幻。六疑云。身若如幻。何有報類不同。釋云。如心。此二三義。如前影說。七總結可知。鈔如夢度河者。卽八地經七總結者。彼亦釋疑。謂有疑云。衆生旣爾。何故菩薩說法赴機。故此釋云。所說法如實際。卽此言說。常同實際。故今疏中將初爲總。將後實際。以爲總結。所以名爲畧加添改。餘義多同。但是取意有少異耳。

釋述

華嚴疏錄卷二十一

疏上來古德之釋既二經小異畧加添改然其所解似過穿鑿亦是一塗鈔既二經小異等者晉經卽云一切法界如幻諸佛法如電菩薩行如夢所聞法如響一切世界如化業報所起如摩訶摩化身一切衆生猶如畫像種種異形皆由心畫所說諸法皆如實際釋曰此經亦有八喻唯如畫像以經自合餘但有牒法爲喻耳彼之電喻今改爲影彼摩訶摩喻今改爲幻故有二幻此亦是改亦是添義彼業報所起屬摩訶摩所喻今將合化亦是改處又後四喻皆經自釋卽是添處經之添改

總爲小異添改二字正約疏明彼釋電云亦有破暗照明等用今由爲影改云亦有應質覆陰等義彼釋第四疑云果行等可使是空今世界事廣此應爲實由經以界爲間則世間通三世間故疏改別彼釋第五疑若世如化何有彼因果有善惡異釋云業報生如幻生彼疏釋摩訶摩云古德釋云摩訶摩者重義卽是重化今更問三藏法師摩訶摩者此云意生亦云意成卽是意生身也彼身更起化故釋曰此三藏釋亦有重化意耳但取文別彼釋第六牒疑則同今之疏文釋云如畫像隨心

撰述

華嚴疏錄卷二十一

壁有高下故。

又作是念。我當盡虛空徧法界。於十方國土中。行菩薩行。念念明達。一切佛法。正念現前。無所取著。菩薩二又作下。徧周虛空。起加行故。所以不著。初明處廣。念念明達。彰其解廣。正念現前。是不著因。菩薩如是觀身無我。見佛無碍。

疏第三結行成滿中分三。初結自行成。二爲化下。結利他行成。三何以下。徵釋雙結二行成就。

爲化衆生。演說諸法。令於佛法發生無量歡喜淨信。救護一切。心無疲厭。

疏二利他中三。初總顯教化無疲。

無疲厭故。於一切世界。若有衆生未成就。未調伏處。悉詣於彼方便化度。其中衆生種種音聲。種種諸業。種種取著。種種施設。種種和合。種種流轉。種種所作。種種境界。種種生種種歿。以大誓願安住其中。而教化之。

疏次無疲厭故下。別示無厭之相。其中施設者。隨方儀式異故。和合者。善惡緣會故。餘可知。鈔四施設者下。隨難別釋。而經云種種生者。疏以易故。不廣釋之。今當重釋。卽四生等。又緣起經說三種。

撰述

華嚴疏錄卷二十一

三

生經中有一苾芻問言。世尊。如是四種生身之相。由生老死。有何差別。釋曰。四種生身之相者。謂名色六入觸受也。經云。世尊告曰。此四種生身之相。若次第生。若屬彼生。若如是生。世尊云。何次第生。身之相。世尊告曰。於其最初。有下種生。^{一也}從此無間有漸增生。^{二也}從此無間有出胎生。^{三也}從此無間有漸長生。^{四也}既成長已。受用言說能得生。^{五也}卽受用生。如是品類。名次第生。次明屬彼生。經云。世尊此屬誰生。世尊告曰。蘊界處生。都無有我。所以者何。以諸蘊等。漸增長故。在性無常。卽

無性法。有此生相。三明如是生。經云。世尊云。何而生。世尊告曰。由命根力。有暫時住分限法。故其性無常。卽無常法。如是而生。涅槃十二說五種生。與上大同。南經十一云。生者出相。所謂五種。一者初生。二者至終。三者增長。四者出胎。五者種類。彼疏釋云。初言生者。出相總顯生義。下別顯中。一初生者。識支是其一報之始。故名爲初報。起名出。二至終者。名色望前所依。說以爲終。三增長者。卽前名色增爲六入。此三胎中。四出胎可知。五種類者。出胎已後。乃至老死。一報之中。運運新起。皆名爲生。

釋曰。然此五生卽前次第生。以彼第三爲此第四。初生卽下種。至終節漸增長。卽前漸長出胎名同。種類卽前受用。涅槃增長意是胎內緣起經中。在於胎外。小有異耳。經云種種歿者。或延或促三性等殊。亦卽九種。命終緣起經中說六種死。經云卽於此四生身相中復有六種死差別相。一究竟死。二不究竟死。三自相死。四不究竟死分差別相。五究竟死分差別相。六時非時死。彼釋曰。究竟死者。謂業盡死。不究竟死者。翻上應知自相死者。謂識離身。諸根滅沒。不究竟死分差別相者。謂業不盡。

中隨緣多種。究竟死分差別者。謂業盡中隨緣多種。時非時死者。八萬歲至十歲。或依時命終。或不依時命終。涅槃十二云。死者捨所愛身。有二種。一命盡死。此有三種。一命盡。非是福盡。謂正報雖亡。依報猶在故。二福盡非命盡。謂依報滅壞。正報猶在。三福命俱盡。謂依正俱亡。二外緣死亦有三種。一非分自害。二橫爲他害。三俱害。又有三種。一放逸死。謂有謗大乘方等般若波羅蜜。二者破戒死。謂有毀犯去來現在佛所制戒。三壞命根死。謂捨五陰身。今此菩薩悉並委知。

釋述

卷之二

古

不令其心有動有退亦不一念生染著想。

疏後不令下結成無著。

何以故得無所著無所依故自利利他清淨滿足是名菩薩摩訶薩第七無著行。

疏三徵釋雙結可知。

佛子何等爲菩薩摩訶薩難得行。

疏第八難得行體即是願。

此菩薩成就難得善根難伏善根最勝善根不可壞善根無能過善根不思議善根無盡善根自在力善根大威德善根與一切佛同一性善根。

疏就釋相中文分二別前明自分行後明勝進行然此二行各攝上求下化之願畧無神通鈔各大攝上求下化等者以唯識中有二種願一求菩提願二利樂他願釋相可知初卽上求故本業有三願一自行願卽是上求二神通願今經畧無三外化願後二皆下化願故舉上求下化卽攝唯識二願本業三願以本業第二外化攝故

疏今初分四初明自行次辨利他第三雙結二行動寂無礙第四雙非二行拂迹入玄初中分三一明修成善根二顯善根行相三行成利益今初

也斯卽起行所依善。謂順理益物。根謂增上生長。獲之在已。故名成就。文有十句。初總餘別。總具後九受難得名。

此菩薩修諸行時。於佛法中。得最勝解。於佛菩提得廣大解。於菩薩願。未曾休息。盡一切劫。心無疲倦。於一切苦。不生厭離。一切衆魔所不能動。一切諸佛之所護念。具行一切菩薩苦行。修菩薩行。精勤匪懈。於大乘願。恒不退轉。

疏一此菩薩下。顯善根行相。亦有十句。如次對前。謂由得最勝解故。受難得名等。鈔謂由得最勝

解者。此有三釋。初以後成前。卽後因前果。

△疏亦可由有難得根。能有勝解。鈔二亦可由有難得下。以前成後。卽前體後用。

△疏又亦以後一行成前十善。隨前一善。具後十行而別配分明。鈔三又亦以後下通相釋成。亦具前二意。但前別配。後偏通耳。故疏結從前義云。別配分明。

是菩薩安住此難得行已。於念念中。能轉阿僧祇劫生死而不捨。菩薩大願。若有衆生承事供養。乃至見聞。皆於阿耨多羅三藐三菩提得不退轉。

撰述

華嚴疏錄卷二十一

疏三。是菩薩下行成利益文。中先結前後於念念下顯益於中初。自益能轉生死成大智益。不捨大願成大悲益。若有已下顯能益他。由前自行成此能益未正利他。

此菩薩雖了衆生非有。而不捨一切衆生界。

疏第二。此菩薩下辨利他行文分爲三。謂法喻令今初謂有大智故。了衆生非有。則不住生死。有大悲故。不捨衆生界。則不住涅槃。大悲般若互相輔翼。成無住道。

譬如船師。不住此岸。不住彼岸。不住中流。而能運度

此岸衆生。至於彼岸。以往返無休息故。

疏二。喻中初句喻能化。次三句喻悲智不住之行相。後而能下三句。喻不住之功能。初二句正喻功能。以往返不息一句結能度所以。

菩薩摩訶薩亦復如是。不住生死。不住涅槃。亦復不住生死中流。而能運度此岸衆生。置於彼岸安隱無畏。無憂惱處。亦不於衆生數而有所著。不捨一衆生。著多衆生。不捨多衆生。著一衆生。不增衆生界。不減衆生界。不別衆生界。不二衆生界。

撰述

華嚴疏錄卷二十一

七

釋

疏三法合中二先正合後徵釋前中具合三段生死卽此岸涅槃合彼岸合上中流亦言生死者以發心之後成佛之前十地三賢尚居二死是以中流卽是生死故云生死中流非生死涅槃之中間名生死中也文旨顯然晉譯失旨不應廣引鈔合上中流者疏文有三一依疏釋意云中流亦合上生死故二非生死下結禪異釋先總標以古今皆謂二法中間故有問云中流不唯屬於此岸何以名生死中流晉經失旨者卽引破刊定刊定先舉向問後引古釋以晉譯失意古釋豈是晉經云

譬如河水不至此岸不住彼岸不斷中流故古釋非一苑公並引之故今總非恐後誤解湏知昔非今抄爲引一遠公云前不趣二處是離有後不住中流是離無謂生死無處名斷中流不住無故云不住中流也二賢首云如東流水不住南岸不住北岸亦得說言不斷北岸中流以中無別體約岸分故若爾南岸亦得何以不言涅槃中流由所度生在此岸故所以偏就生死而說而刊定具引竟云今助釋之意乃有二初會文後釋義初中新舊經本說喻不同謂舊經約河水不趣兩岸不斷中

撰述

華嚴疏錄卷二十一

六

陽

流爲喻。喻菩薩以離有無悲智度衆生也。新經約船師不住兩岸爲喻。喻菩薩以無住悲智度衆生也。問若爾。梵本豈有二耶。答。梵本是一。由譯者異謂此梵文雖云河水意屬船師。即是於能依聲處作所依聲說。譯者若善文義。則會意譯之爲船師。若但知文。則按文謂之河水。二釋義者。卽是此文有二種中流。一者生死中流。謂南岸中間處。自別故。此則存二之中。名生死中流。如是見者。不絕生死故。二者涅槃中流。謂離此彼岸。卽爲中流。更無別處。此則泯二之中。名涅槃中流。如是知者。必證

涅槃故。今此喻中。喻菩薩大智故。不住生死大悲故。不住涅槃。悲智唯是一心。不住生死時。卽不住涅槃。以無住故。故但云爾。釋曰。上刊定意。前會梵本。雙出二經之意。及其答結成晉經失旨。以從今經義則善矣。及後釋義還同古人。以生死涅槃皆有中流。而以存二岸爲生死中流。亡二岸爲涅槃中流。由不住故。不存二岸。是則住於涅槃中流。則不順。不住中流之義。故疏並非諸釋云。文旨顯然疏有以煩惱爲中流。約其漂溺從因說也。有以聖賢爲中流。約受生死之人也。有以中道爲中流。約

觀行說並不應住。鈔有煩惱以下重敘異釋爲其義收畧有三義初一生公釋維摩意約其漂溺從因說者疏爲會取是生死因故與涅槃意同二云有以聖賢爲中流者卽什公釋淨名意約受下會釋三有以中道爲中流者肇公意也約觀下會釋並不應住總收諸義意在不住若住煩惱不證涅槃豈能度生住聖涅槃則無增進亦不能究竟度生住中道別不契理安能成佛度生上三皆屬生死故疏正釋理無不該。

疏安隱已下涅槃之德常故安隱樂故無畏我故無憂淨則無惱亦不已下廣明以智導悲合前往反無休息義謂由不住著故所以往反運濟無休及顯法中非有不捨之義謂非唯悲故不捨亦由了其非有無可捨故則終日度而無度也初句總明不捨下別有五對十句初一多對已化未化俱有捨著二義思之二增減對化之成道生界不減不從化者生界不增此約多人相望三約一人果起不生惑盡非滅四謂空爲盡謂有爲長五一對總結四對不亡並名爲二今無分別契本不二鈔亦由了其非有無可捨者卽大智不捨生死也

60123456789

已化未化者。著已化者。言屬我故。未化未屬。故不著也。著未化者。是所應化故。已化竟者。故不著之。何以故。菩薩深入衆生界。如法界衆生界法界。無有二無二法中。無增無減。無生無滅。無有無無無取。無依無著。無二。

疏第二徵釋中。文有兩番。前番正徵不著。後番重徵前義。今初也。先徵意云。現化衆生。有增有減。而言不著。其故何耶。釋意云。以菩薩深觀生界。同於法界。無增等故。所以不著。文中初二句總上句。是不異義。故云如也。下句是相卽義。故云無二。後

無二法中下別彰無二之相。卽屬對上文無取依著。釋不分別。餘文相顯。此文昭著。而末學之徒。但謂一分衆生不成佛。故名不減生界。深可悲哉。鈔此文昭著下。結彈法相師。已如玄中。而云但謂者。然其亦有此義。但非究竟耳。以生界有二義。一性義。卽衆生是法界義。二者是性分義。謂衆生相。若依究竟相。卽同性。亦理平等。但取分義。衆生成佛義。則有減。但不盡。故言無減。卽少分之義。非究竟理。故可悲之。

何以故。菩薩了一切法法界無二故。

撰述

華嚴疏錄卷二十一

三

四

疏第二番重徵意云。何以生界卽同法界釋云。一切諸法皆同法界。豈獨衆生而不同也。

菩薩如是以善方便入深法界。住於無相。以清淨相莊嚴其身。了法無性。而能分別一切法相。不取衆生而能了知衆生之數。不著世界而現身佛刹。不分別法而善入佛法。深達義理。而廣演言教。了一切法離欲真際。而不斷菩薩道。不退菩薩行。常勤修習無盡之行。自在入於清淨法界。

疏第三菩薩如是下。雙結二行。動寂無礙。亦名無盡心行。有法喻合法中十句。初二牒前起後。旣方

便深入。故性相無礙。住於下餘有八對。正顯行相。一約起行之身。二了法藥。三識根緣。四游佛刹。五達佛法。六深契離言。不捨言說。七無求離欲。而萬行爰修。前七明卽寂之用。八常勤下一對。明卽用之寂。亦通顯所由。由勤修故涉權入法界。故常寂。譬如鑽木。以出於火。火事無量。而火不滅。疏二喻中。木喻法界。火喻所成身智。火事喻悲化無邊。本火不滅。喻身智常湛。疏三合可知。菩薩如是化衆生事。無有窮盡。而在世間。常住不滅。

撰述

再續疏錄卷二十一

三

非究竟。非不究竟。非取。非不取。非依。非無依。非世法。非佛法。非凡夫。非得果。

疏第四。非究竟下。雙非二行。拂迹入玄者。然初自行云能轉生死而不捨大願。謂其已有權實雙行而多明照體大智。次利他之中。既云無住運濟。則悲智相導。而多似起用大悲。次復以導悲之智。遣彼著心。復似悲智二心。行有前後。故第三段辨動寂雙行。則理無不盡。而猶慮物謂二事不融。故此明形奪兩亡。權實無寄。豈唯十行菩薩修行善巧。彌顯功德林悲濟之深。鈔然初自行下。疏文有

二先總彰大意。意云。菩薩慈悲重重。顯悲智無礙。收上四段。四段別說。一自行。二化他。三雙行。四雙拂。今明白行。卽有自他雙行。雙行旣俱。義必不著。卽是雙拂。從增科之顯菩薩悲深耳。今初自行。能轉生死。卽自行之實。不捨大願。卽利他之權。雖前科爲四。而今疏文乃有六節。卽第一自行。二而謂多明下。起第二利他。三而多似起用大悲者。亦似第二利他中徵釋之文。四然其復似悲智二心。行有前後。卽生第三雙行。五而猶慮物二事不融。下生第四段。上之四段。皆初一句躡前起後。六豈

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

唯十行下結歎歎二菩薩。一十行難得行用心之深卽所說行。二卽功德林能說之人重重曲巧說斯悲智。

疏文有五對十句。然其所非之法卽前權實二行。且如究竟卽實。不究竟卽權。今乃雙非者實卽權。故非究竟權卽實。故非不究竟。又但言非究竟。非謂有不究竟。故亦非之。是則借權以遣實。實去而權亡。借實以破權。權亡實不立。言窮慮絕。何實何權體本寂寥。孰非是。惟翛然無寄理自玄會。故辨雙非。非有雙非可立。鈔惟翛然無寄者。卽筆

公百論序前已用竟。

疏然雙非是遮。雙是爲照。卽遮而照。故雙非卽是雙行。卽照而遮。雙行卽爲雙遣。總前諸段理極於斯。下諸句中皆倣於此。鈔然雙非下三。又融拂雙非。雙非卽第四段雙照。卽第三段融拂二段成玄之入玄。又卽此第四段中。初權實交徹。卽是雙照。後拂迹入玄。釋卽是雙非。此二方入玄矣。又旣融第三則已具前二。故四門一致方顯深玄。故下結云。總前諸段理極於斯。下諸句者。例下諸句。諸句多唯明初權實交徹一義。故例令如初句知。

疏二對所化能所取寂故非是取了知心行故非不取三約化處不著世界故非是依依刹現身故非無依亦約所證智無分別而善入故四約化法深達義理故非世法隨世語言故非佛法五證離欲際故非凡夫不斷菩薩行故非得果菩薩成就如是難得心修菩薩行時

疏第二菩薩成就下明勝進行文分爲二初明慧行後菩薩如是下辨悲行今初分二先牒前自行分行

不說二乘法不說佛法不說世間不說世間法不說衆生不說無衆生不說垢不說淨

疏後不說已下正辨勝進行相皆卽事入玄分四初總明離相無說

何以故菩薩知一切法無染無取不轉不退故菩薩於如是寂滅微妙甚深最勝法中修行時亦不生念我現修此行已修此行當修此行不著蘊界處內世間外世間內外世間所起大願諸波羅蜜及一切法皆無所著

疏二徵釋以顯雙非釋意云所以不說者一無法可說故二菩薩於如是下明無心說謂不起念故

何以故法界中無有法名向聲聞乘。向獨覺乘。無有法名向菩薩乘。向阿耨多羅三藐三菩提。無有法名向凡夫界。無有法名向染向淨。向生死。向涅槃。

疏三何以故下轉釋無念所以無念者稱法界故。故不說聲聞法等。

何以故諸法無二無不二故。

疏四假徵以顯雙運徵意云既無所著何以復修二利之行。釋意云性相雙非故能雙運文有法喻合法中諸法無二故無說無著無不二故不妨起舉行。

譬如虛空於十方中若去來今求不可得然非無虛空。

疏二喻可知。

菩薩如是觀一切法皆不可得然非無一切法如實無異不失所作普示修行菩薩諸行不捨大願調伏衆生轉正法輪不壞因果亦不違於平等妙法。

疏三令中皆顯性不礙相於中二先正明普與三世諸如來等不斷佛種不壞實相深入於法辨才無盡聞法不著至法淵底善能開演心無所畏不捨佛住不違世法普現世間而不著世間。

撰述

華嚴疏錄卷二十一

三

疏後普與下辨功成德立。勝進之相故晉經此初有此菩薩言。

菩薩如是成就難得智慧心修習諸行。

疏第二辨悲行中分三。一牒智顯悲。悲假智深。所以先牒。

於三惡趣拔出衆生。教化調伏安置三世諸佛道中。令不動搖。

疏二於三惡下正顯悲相。

復作是念。世間衆生不知恩報更相讐對。邪見執著。迷惑顛倒。愚痴無智。無有信心。隨逐惡友。起諸惡慧。

貪愛無明種種煩惱皆悉充滿是我所修菩薩行處。

疏三復作是念下偏語化惡顯勝進相文中三。初明惡是所悲次明善非化境後徵釋所由今初悲中先明有違教之惑後貪愛下明總具塵勞惑病既深方假醫救前中不知恩報者必無敬養更相讐對則難以訶責邪見執著則不受正教迷惑顛倒所領不真愚癡無智爲說不知無有信心絕於希向隨逐惡友必遠善人起諸惡慧無由正解故難化也。

設有知恩聰明慧解及善知識充滿世間我不於中。

修菩薩行

疏二設有下。善非化境可知。

何以故我於衆生無所適莫。無所冀望。乃至不求一縷一毫。及以一字讚美之言。盡未來劫修菩薩行。未曾一念自爲於已。但欲度脫一切衆生。令其清淨。永得出離。

疏三徵釋中初徵次釋後轉徵釋初徵意云菩薩化生理宜平等。偏惡棄善其故何耶。次釋意云菩薩於物無主定於親疎就於惑重偏是化境。如母捨病子豈不等耶。又若求名利應化知恩本爲淨他理應隨惡若棄惡從善魔攝持故。鈔若棄惡從善魔攝持故者卽五十八經說十種魔業中云捨惡性人遠懈怠者輕慢亂意識嫌惡慧是爲魔業。又云已得解脫已安隱者常樂親近而供養之未得解脫未安隱者不得親近亦不教化是爲魔業卽棄惡從善也。

何以故於衆生中爲明導者法應如是不取不求。但爲衆生修菩薩道令其得至安隱彼岸成阿耨多羅三藐三菩提是名菩薩摩訶薩第八難得行。

疏三轉徵釋徵云菩薩衆生本不相預何爲長劫

撰述

聖嚴疏金卷二十一

悲救無求釋意云諸佛菩薩法爾同遵不爾不名爲明導故。

佛子何等爲菩薩摩訶薩善法行。

疏第九善法行體卽力度就文分三初徵名二釋相三結歎今初唯識有二一思擇力二修習力本業有三一報通力二修定通力三變化通力唯識約修本業約用互舉一邊由前二力爲機說法則成語意二業之善法有本業三力則成身意二業之善法以修定通卽意業故依梁攝論由思擇力能伏一切正行等所對治障令不起故由修習力

能令一切善行堅固決定既言一切善行此則二力通三業善此位大同九地是法師位善說法故鈔依梁論者正思諸法過失及功德此思擇若得增勝自地惑所不能動體性堅強故名爲力修習力者心緣此法作觀行令心與法和合成一猶如水乳亦如熏衣。

此菩薩爲一切世間天人魔梵沙門婆羅門乾闥婆等作清涼法池攝持正法不斷佛種。

疏二釋相中二前自分後勝進然此二段各具二力至文當知亦有三力謂普知根緣一音普應成

就十身義該三通初自分中先總明後別顯。前中作清涼法池標也言含法喻謂如無熱惱池清淨無濁下二句釋上句如池含於德水故云攝持正法下句以四辨才出願智等饒益衆生相續無盡究竟入於一切智海名不斷佛種如彼大池流出四河相續入海。

得清淨光明陀羅尼故說法授記辨才無盡得具足義陀羅尼故義辨無盡得覺悟實法陀羅尼故法辨無盡得訓釋言詞陀羅尼故詞辨無盡得無邊文句無盡義無礙門陀羅尼故無礙辨無盡得佛灌頂陀

羅尼灌其頂故歡喜辨無盡得不由他悟陀羅尼門故光明辨無盡得同辨陀羅尼門故同辨無盡得種種義身句身文身中訓釋陀羅尼門故訓釋辨無盡得無邊旋陀羅尼故無邊辨無盡疏二得清淨下別顯文分爲二初廣攝持正法二此菩薩大悲下廣不斷佛種今初也具十總持是攝持義十持爲體十辨爲用初句爲總寂障鑒法名淨光明餘九爲別初四卽四辨才四持卽池之德水四辨卽池之四口鈔四辨卽喻者此中四河四口等皆依十定品一東恒伽河從銀色象

撰述

華嚴疏錄卷二十一

口流出銀沙。合以義辨說一切義。二私陁河。從金剛色師子口流出金剛沙。合以法辨說金剛句。三信度河。從金色牛口流出金沙。合以詞辨說隨順世間緣起。四縛芻河。從琉璃色馬口流出琉璃沙。合菩薩摩訶薩亦復如是以無盡辨。雨無盡百千億那由他不可說法等。下別合云。云何菩薩四河。一願智河。二波羅蜜河。三三昧河。四大悲河。並如彼文。

疏五卽外力加辨智水灌心故稱根令喜此卽得辨之緣六卽內力證辨謂道契内心光明外徹此

乃得辨之因也七同類音辨此約順機入訓釋辨此約窮法前四辨中但通相文句此明曲盡其源義身卽當名身名所詮故體是名境義卽境義梵云得種種名身故九總顯深廣持辨無邊旋有入空旋空入有等故無有邊皆言無盡者稱法界故此菩薩大悲堅固普攝衆生於三千大千世界變身金色施作佛事隨諸衆生根性欲樂以廣長舌於一音中現無量音應時說法皆令歡喜。

疏第二廣前不斷佛種中文分三別初總明三業利生二假使下假設深勝三以得一切下總釋所

以前二舍於四河。今初卽大悲河。大悲堅固標其體也。悲紹佛種故。首明之普攝衆生。正明不斷於三千下。示其攝相。

假使有不可說種種業報。無數衆生共會一處。其會廣大。充滿不可說世界。菩薩於彼衆會中坐。是中衆生一一皆有不可說阿僧祇口。每一口能出百千億那由他音。同時發聲。各別言詞。各別所問。菩薩於一念中。悉能領受。皆爲酬對。除疑惑。如一衆會中。於不可說衆會中。悉亦如是。

疏二假說深勝。於中有三。卽爲三河。一大會斷疑。

明問答成就處多大衆。頓領頓酬。由具諸度故。卽波羅蜜河。

復次假使一毛端處。念念出不可說不可說道場衆會。一切毛端處。皆亦如是。盡未來劫。彼劫可盡。衆會無盡。是諸衆會。於念念中。以各別言詞。各別所問。菩薩於一念中。悉能領受。無怖無怯。無疑無謬。

疏二復次下。微細斷疑。前直明大會。異問能答。今乃云於一毛端處。有不可說。如前大會。多劫殊問。一念能答。不怖大衆。不怯文義。決斷揀擇。顯轉超勝。是三昧力。卽三昧河。故下經云。菩薩住此三昧。

撰述

聖嚴疏錄卷二十一

於自身一一毛孔中見不可說不可說佛刹微塵數諸佛如來亦見彼佛所有國土道場衆會聽法乃至云其諸衆生亦無迫隘何以故入不思議三昧境界故彼約聽法此約答問以之爲異餘義大同此約圓教普賢位中故於前地有斯自在非二乘中得斯作用。

而作是念設一切衆生以如是語業俱來問我我爲說法無斷無盡皆令歡喜住於善道復令善解一切言詞能爲衆生說種種法而於言語無所分別假使不可說不可說種種言詞而來問難一念悉領一音

咸答普使開悟無有遺餘

疏三而作是念下周徧斷疑上舉毛端多衆猶有量故今明一切衆各具多言悉能答故卽願智河願智相導悲救無休故云作念文中先顯多衆後假使下復顯多言

以得一切智灌頂故以得無礙藏故以得一切法圓滿光明故具足一切智智故

疏第三總釋所以者所以得此四河廣利者畧舉四因此之四因或以一因成前四河或以四因成其一河一他佛外加故一自藏離礙故三所照法

撰述

華嚴疏金卷二十一

三

四

圓故。四能照智具故。或各配屬。同體悲加故。見心性故。諸度圓故。二智滿故。鈔或各配屬下。上卽通釋。故或一因成四河等。今此下別配同體悲加故。卽以他佛外加爲大悲河因。二見心性故。卽第二自藏離礙故。自藏卽是如來藏性。此卽心性能觀心性。名爲上定故。爲二昧河因。三諸度圓故。卽第三所照法圓故。爲波羅蜜河因。四二智圓滿故。卽第四能照智異故。爲願智河因。一切智是根本智。重言智者。卽後得智。後得智攝願故。

佛子。此菩薩摩訶薩安住善法行已。

疏第二。佛子。此菩薩下。明勝進行亦。卽是前四河之相。文分爲二。初牒自行成。

能自清淨。亦能以無所著方便。而普饒益一切衆生。不見有衆生得出離者。

疏二。能自下。正顯勝進。文分爲四。一辨四河清淨之義。

如於此三千大千世界。如是乃至於不可說三千大千世界。變身金色。妙音具足。於一切法。無所障礙。而作佛事。

疏二。如於此下。辨四河入海。無能障義。於多界中。

撰述

華嚴疏錄卷二十一

三

化無障故。佛子此菩薩摩訶薩成就十種身所謂入無邊法界非趣身滅一切世間故入無邊法界諸趣身生一切世間故不生身住無生平等法故不滅身一切滅言說不可得故不實身得如實故不妄身隨應現故不遷身離死此生彼故不壞身法界性無壞故一相身三世語言道斷故無相身善能觀察法相故。

疏三佛子下辨此四河旋達池義四菩薩成就下辨累劫入海無疲厭義三旋達中謂成就隨順身語意業智爲先導身語意業四方流注入智海

故隨順卽是旋達之義鈔三旋達中下疏文有二先彰大意謂成就等卽十定經文從隨順卽是下疏釋旋達之相

疏文中二先總標二所謂下列釋皆上句標名下句釋相勒此十身以爲五對一證滅示生對二不生不滅對三非實非虛對四不遷不壞對五一相無相對東此五對不出體用一一對中體用對辨第一對體用自體第二對體用之相第三對體用之力第四對體用之性第五對體用之德今初理無不證名人無邊法界世無不超名爲非趣下釋

撰述

華嚴疏錄卷二十一

三

中但釋非趣者。謂若入法界必滅世間。若滅世間卽入法界。標釋相成。此卽體之自體也。一用無不徧故。入無邊法界。隨類受身。故云諸趣。此言入者。應往之入。不同上來證入之入。釋文可知。此卽用之自體也。第二對。初不生身。卽前應用之身。生而不生。言住無生平等法者。有二義。一依體起用。用不離體。故二體之與用。平等無生故。此卽用之相也。後不滅身。卽前體滅離言說故。一因滅顯理。非滅故。二寂滅之理。離滅相故。此卽體之相也。故上體滅現生之身。卽以不生不滅爲相。第三對體。

有何力。得如實理離世俗之實也。用有何力。隨應而現。不同塵也。第四對。用以何爲性。隨流應而不遷。體以何爲性。卽法界而無壞。第五對。體有何德。過去無始。未來無終。現在非有。故三世言斷。用有何德。體卽無相。能照法相。故此十身不離體用。用有聚義體。具體依皆得名身。

疏體外無用。用卽是體。用外無體。體卽是用。體卽法性。用卽智應。二既不二。理智圓融。唯一無礙法界之身。鈔體外無用。下二融體用爲法界。言用卽智應者。兼融三身。以爲一體。

撰述

華嚴疏卷二十一

三

陽

疏隨相顯十以表無盡。鈔隨相顯十者三出十身之由。

疏一乘圓融地前能爾。鈔一乘圓融下四通妨難以有難云。地前未證何得爾耶。故爲此答。

疏更有餘義如十地離世間品明此畧舉成就隨順之身言身兼語意也。鈔更有餘義者五指廣有本即是彼十。一卽威勢身。菩薩衆中威光赫奕滅諸暗故。二卽意生身。徧趣生故。三卽菩提身。正覺無生故。四卽福德身。福絕三際不可說故。五卽智身。智契實理故。六卽化身。隨現應故。七卽力持

身。力持不變故。八卽法身。法界性故。九卽相好莊嚴身。十蓮華藏相同於一相。周法界故。十卽願身。願轉法故。觀法相無相現相無所不周故。經云。毘盧遮那佛願力周法界。一切國土中恒轉無上輪斯卽十地中義會於離世間十佛。同前十地已會十身。然彼約佛身。今約菩薩所得。則望彼皆因以姑因望果。故小有不同。而圓融交徹。故得例彼。若不體例彼。當文自釋。義亦無遺。又顯十身五體五用。謂世界威勢。福德智法相好。此五皆體。餘五爲用。體卽是真用。卽是應。同真應二身。融爲一味。

撰述

華嚴疏錄卷二十一

菩薩成就如是十種身爲一切衆生舍長養一切善根故爲一切衆生救令其得大安隱故爲一切衆生歸與其作大依處故爲一切衆生導令得無上出離故爲一切衆生師令入真實法中故爲一切衆生燈令其明見業報故爲一切衆生光令照甚深妙法故爲一切三世炬令其曉悟實法故爲一切世間照令入光明地中故爲一切諸趣明示現如來自在故。

疏四顯無疲厭謂四河入海累劫無疲菩薩亦爾以普賢行願盡未來劫修菩薩行入如來海不生疲厭是以廣顯與生爲歸爲救等文中先牒前所

成之身爲益他之本爲一切下正顯成益句別有十在文可見十地又明今畧其要俗湏委示故名爲燈真但高明故目爲炬甚深則能所不二如光合空爲照爲明但約入地示德爲異。

佛子是名菩薩摩訶薩第九善法行菩薩安住此行爲一切衆生作清涼法池能盡一切佛法源故。

疏三佛子已下結歎分二先結名後菩薩安住下歎勝盡法源故以清涼法池卽是行體故標結皆舉顯中是其相。

佛子何等爲菩薩摩訶薩真實行。

撰述

華嚴疏錄卷二十一

疏第十真實行文三同前初徵名者如本分釋體卽智度鈔初徵名者卽言行不虛故名真實又稱二諦故故瓊珞云二諦非如非相非非相故名爲真實次經卽云誠諦之語等卽釋名也體卽智下不出別體

疏今更略釋若約二智受用法樂成熟有情並如行能說如說能行卽是真實本業有三一無相智卽受用法樂二一切種智三變化智皆成熟有情下文入一切三昧真實相卽受用法樂智知衆生種種想等卽成熟有情知十力智是一切種不著

一切世間解衆生無際卽無相智我爲善變化及示現如來自在神通卽變化智鈔今更略釋於中有三初依唯識二智而論但列其名無性釋云由施等六成立此智復有此智成立六種謂相教等種種品類是則名爲受用法樂由此妙智能正了知此施此忍進等如所聞法饒益一切有情之類是則名爲饒益有情智本業有三下二約本業便會上二智下文云下三依下經會上經論先會唯識論知十力智下會前本業

此菩薩成就第一誠諦之語如說能行如行能說

撰述

華嚴疏錄卷二十一

三

疏就釋相中文分三別第一總顯名體二別顯行相三結住行益今初初句總標後如說下解釋謂言行相符故名誠諦誠實審諦卽真實義鈔誠實審諦者次下疏文引下經釋有用金剛四語釋云真語爲顯世諦故實語爲顯世諦修行有煩惱無煩惱及清淨相故於中實者此行煩惱此行清淨故如語者爲顯第一義相故不異語者顯第一義修行有煩惱及清淨故

疏此有二義一約先誓自他二利決志具修今如昔說決能行之亦如此行以爲他說故下文云我

若先成則違本願等二約現修自他二行如所演說決定能行非數他寶故云如說能行亦如所證宣示於人不昧所知名如行能說鈔二約現修者卽由實語故所作皆成如涅槃第三十一說昔與調達二人入海採寶船破一人不死調達悲泣我有二珠分一與之又貪一珠遂刺我目我時呻吟有一女人問我我卽具答女人問言汝名何等我卽答言我名實語彼云誰信我卽答言我於提婆達多無惡心者令我兩目平復如故言訖如故忍辱仙人亦同此例同在此卷又如說能行亦是

撰述

華嚴疏錄卷二十一

四

如語。如行能說。卽不異語也。

此菩薩學三世諸佛真實語。入三世諸佛種性。與三世諸佛善根同等。得三世諸佛無二語。隨如來學智慧成就。

疏第二此菩薩學三世下別顯行相文分二別。先標章後依章別釋。今初文有五句。一稱實演法師子吼故。二深住實相契一性故。三利善根等同佛故。四得如說行同本誓故。五學佛十力智已成故。

此菩薩成就知衆生是處非處智。去來現在業報智。諸根利鈍智。種種界智。種種解智。一切至處道智。諸禪解脫三昧垢淨起時非時智。一切世界宿住隨念智。天眼智。漏盡智。而不捨一切菩薩行。何以故。欲教化一切衆生。悉令清淨故。

疏第二此菩薩成就下依章別釋。從後倒釋。卽分五段。第一釋智慧成就文中三初顯所成十力言時非時者。垢淨之時不同化不化時別故次而不捨下。得果不捨因後何以下。徵釋所以十力化生之智。故湏得之令物清淨。故湏不捨因行此菩薩復生如是增上心。若我不令一切衆生住無

撰述

聖嚴疏卷二十一

上解脫道而我先成阿耨多羅三藐三菩提者。則違我本願是所不應。是故要當先令一切衆生得無上菩提無餘涅槃。然後成佛。何以故。非衆生請我發心。我自爲衆生作不請之友。欲先令一切衆生滿足善根成一切智。是故我爲最勝。不著一切世間故。我爲最上住無上調御地。故我爲離翳解。衆生無際。故我爲已辦本願成就故。我爲善變化。菩薩功德莊嚴故。我爲善依怙。三世諸佛攝受故。

疏第二此菩薩復生下釋得三世諸佛無二語文
中二初反舉違誓自誠不應次是故下順釋要當

先人後已後何以下徵釋所由徵有二意。一云何以違誓是所不應。二云何以要湏先人後已。釋此二徵卽分二別。初釋前徵云。由先許故不與則違先誓不請強許。今之不與。豈是所應。後是故下。釋第二徵菩薩之道必先人後已。不爾。豈得名最勝耶。文有六句。當句自釋。不俟繁文。

此菩薩摩訶薩不捨本願故。得入無上智慧莊嚴利益衆生。悉令滿足。隨本誓願皆得究竟於一切法中。智慧自在。令一切衆生普得清淨念。念徧遊十方世界。念念普詣不可說不可說諸佛國土。念念悉見不

撰述

華嚴疏錄卷二十一

四

四

可說不可說諸佛及佛莊嚴清淨國土示現如來自在神力普偏法界虛空界。

疏第三此菩薩摩訶薩不捨下釋同佛善根本誓智慧皆究竟故文中二先標德成滿二於一切下別顯同相一意業智慧同二念念下身業神通同此菩薩現無量身普入世間而無所依於其身中現一切刹一切衆生一切諸法一切諸佛。

疏第四此菩薩現無量身下釋入佛種性於中二一約身明入世無依又身中現刹皆得性融故

此菩薩知衆生種種想種種欲種種解種種業報種種善根隨其所應爲現其身而調伏之。
疏二此菩薩知衆生下智入種性於中二初入悲種性知根善化故。

觀諸菩薩如幻一切法如化佛出世如影一切世間如夢得義身文身無盡藏正念自在決定了知一切諸法智慧最勝入一切三昧真實住一性無二地疏二觀諸菩薩下入智種性窮實相故故結句云住一性無二地以此智性導前悲性成無住道是爲如來無二之性文中初會緣入實次得義身下依實了相後智慧最勝下性相無二文有三句初

句約智。則雙照性相。次句約定動。寂契真後。句釋成並由住無二性。

菩薩摩訶薩以諸衆生皆著於二。安住大悲修行。如是寂滅之法。

疏第五菩薩摩訶薩以諸下。釋學三世諸佛真實語。文中二。先牒前起後。衆生著二。不能悲智雙游。菩薩卽寂修悲。故得不二。

得佛十力。入因陀羅網法界。成就如來無礙解脫。人中雄猛。大師子吼。得無所畏能轉無礙清淨法輪。得智慧解脫。了知一切世間境界。絕生死迴流。入智慧大海。爲一切衆生護持三世諸佛正法。到一切佛法實相源底。

疏後得佛十力下。成果起用。顯實語相。能師子吼。轉法輪故。結云知實相源。方爲實語也。文中大同十地。窮佛所得。圓融教中。位位果滿。故窮法實相。謂如是性。相體力等。皆盡源故。餘句可知。鈔窮法等者。卽法華經云。唯佛與佛乃能究竟盡諸法實相。所謂諸法如是相。如是性。如是體。如是力。如是作。如是因。如是緣。如是果。如是報。如是本末究竟等。此之十句。天台歷十法界。一一界中。復具十界。

撰述

華嚴疏金卷二十一

醫

互相攝故。十界便成百界。界各十如。卽有千如。更分一一界各有三界。一衆生世間。二五陰世間。三器世間。便成三千世間。彼宗以此爲法華經樞要最玄。後明知見。但舉能知耳。思大師三種讀此。十如。一以如是爲頭云。如是相爲一句。如是性爲一句等。卽約假觀。觀十別相故。二云所謂諸法如爲一句。是相如爲二句。以如字爲空。卽成空觀。三以如是字爲末云。謂諸法如是爲一句。相如是爲二句等。以如是爲中道觀。一家之意理無不通。

菩薩住此真實行已。一切世間天人魔梵沙門婆羅

門乾闥婆阿修羅等。有親近者。皆令開悟歡喜清淨疏第三菩薩在此下結行成益。

是名菩薩摩訶薩第十真實行。

疏第三結名。並如文顯說分已竟。

爾時佛神力故。十方各有佛刹微塵數世界。六種震動。所謂動。徧動。等徧動。起徧起。等徧起。踊徧踊。等徧踊。震徧震。等徧震。吼徧吼。等徧吼。擊徧擊。等徧擊。雨天妙華。天香。天末香。天鬘。天衣。天寶。天莊嚴具。奏天樂音。放天光明。演暢諸天微妙音聲。

疏大文第六爾時已下顯瑞證成分。文分二別。一

撰述

華嚴疏錄卷一

瑞證。一人證前中先此會。如此世界夜摩天宮說十行法。所現神變。十方世界悉亦如是。

疏後如此下結通。

復以佛神力故。十方各過十萬佛利微塵數世界外。有十萬佛利微塵數菩薩俱來詣此土。充滿十方。語功德林菩薩言。佛子。善哉善哉。善能演說諸菩薩行我等一切同名功德林。所在世界皆名功德幢。波土如來。同名普功德。我等佛所亦說此法。衆會眷屬。言詞義理。悉亦如是。無有增減。

疏二復以下人證亦先此界。十在一萬。此云十萬表位增故。前現瑞中亦應云十方各有十萬文無者畧。餘義已見十住之末。佛子我等皆承佛神力來入此會爲汝作證。十方世界。悉亦如是。

疏後佛子我等下結通。

爾時功德林菩薩承佛神力。普觀十方一切衆會。暨于法界。欲令佛種性不斷故。欲令菩薩種性清淨故。欲令願種性不退轉故。欲令行種性常相續故。欲令三世種性悉平等故。欲攝三世一切佛種性故。欲開

撰述

圭嚴疏金卷二十一

吳

陽

演所種諸善根故。欲觀察一切諸根。欲解煩惱習氣。心行所作故。欲照了一切佛菩提故。而說頌曰。

疏第七重頌分中分二。初說偈儀意。先彰說儀後。欲令下說意。意有九句。初總餘別。別中淨治因性。一不退願性。三行性續願。四以真性導行。五上攝果性。六開已修性。卽十行所習。七觀所化性。八照當果性。

一心敬禮十力尊。離垢清淨無礙見。境界深遠無倫匹。住如虛空道中者。

疏二正說偈辭。總有一百一頌。大分爲三。初之一

頌總申歸敬。次九十六頌。正頌前文。三有四頌。結歎深廣。今初也。將申偈頌。再展敬心。初四字申敬。十力下顯德。十力智德。次句斷德。次句恩德。衆生爲境故。末句通喻三德。智廣惑淨。悲深遠故。過去人中諸最勝。功德無量無所著。勇猛第一無等倫。彼離塵者行斯道。現在十方諸國土。善能開演第一義。離諸過惡最清淨。彼無依者行斯道。未來所有人師子。周徧遊行於法界。已發諸佛大悲心。彼饒益者行斯道。

撰述

華嚴疏錄卷二十一

四

陽

疏第二正頌前文大分爲二。初十一偈頌前本分後八十五偈頌前說分。然十住頌文則舉其次第。今沒其次第直云行斯道者畧有四意。一前則約位始終行布而說。今將融會前說令無始終欲顯一位之中具行諸行。一行之中具一切故。二前約別行。今約普行。普別無礙。二文互顯。三前約同教。今約別教。同別無礙爲一圓教故。四前約不雜辨才。此約任放辨才說。不待次言辭不斷故。又前多約因此多就果。或廣略綺互體用更陳。總別遞明。互相影發。顯菩薩行深廣難思。下文雖依次第。旣

沒本名。一同離世間圓融之行也。今初亦可總歎行深不頌前文。頌亦無失。今頌本分曲分爲二。前四頌前學三世佛而修行故。後七頌前行體不可思議。今初分二初三別明。

三世所有無比尊自然除滅愚癡暗於一切法皆平等。彼大力人行此道。

疏後一總說各初三句辨德。後句結德能通所行。諸文行斯道言皆倣於此。

普見無量無邊界。一切諸有及諸趣見已其心不分別。彼無動者行斯道。

撰述

華嚴疏錄卷二十一

法界所有皆明了。於第一義最清淨。永破曠慢及愚癡。彼功德者行斯道。於諸衆生善分別。悉入法界真實性。自然覺悟不由他。彼等空者行斯道。

盡空所有諸國土。悉往說法廣開喻。所說清淨無能壞。彼勝牟尼行此道。

具足堅固不退轉。成就尊重最勝法。願力無盡到彼岸。彼善修者所行道。

無量無邊一切地廣大甚深妙境界。悉能知見靡有遺。彼論師子所行道。

一切句義皆明了。所有異論皆摧伏。於法決定無所疑。彼大牟尼行此道。

疏後七頌行體中。然文旨包含。畧爲二解。一頌行體。二頌加之所爲。然所爲正爲十行。義旨不殊。故得同頌。配文少異。分爲二解。先配行體。文分爲四。初一頌總顯不可思議。故云心無分別。彼無動故。二二頌。頌前與法界等。等法界有三義。所有皆明了。等事法界。次句等理法界。此二無二等無礙法界。由此等故。能破惑成德。三有二偈。頌等虛空界。等空五義。初偈顯二。謂空無分別而顯萬像。菩薩

撰述

華嚴疏錄卷二十一

四

亦爾。入實自悟。則無分別。不礙分別於諸衆生。故結云等空。由入法界。故等虛空。二界相成。故舉入法界。後偈顯三義。一等空廣大。初二句顯示。二等空清淨。三等空不可壞。第三句顯由等虛空。是勝寂靜。名曰牟尼。四有三偈。頌前菩薩行。初偈總舉自分之行。後二卽勝進之行。二以此文頌加所爲。雖開合不同。依次不亂。初偈頌前爲增長佛智。前半所觀。後半能觀。次偈頌深入法界。餘如前釋。三中初句頌了知衆生界。次二句頌所入無礙。四中頌所行無障。往諸國土。則身無障。說法清淨。則自

行無障。異論不壞。則外無障。第五偈頌得無量方便。以願行等。皆善修故。六中頌攝取一切智性無邊。一切地卽智地故。十地之智。同佛智故。歎勝可知。七中初句頌覺悟一切法。次句知一切諸根隨宜摧伏。次句卽持說一切法也。

遠離世間諸過患。普與衆生安隱樂。能爲無等大導師。彼勝德者行斯道。

恒以無畏施衆生。普令一切皆欣慶。其心清淨離染濁。彼無等者行斯道。

意業清淨極調善。離諸戲論無口過。威光圓滿衆所

撰述

華嚴疏錄卷二十一

五

圖

欽彼最勝者行斯道。

入真實義到彼岸。住功德處心永寂。諸佛護念恒不忘。彼滅有者行斯道。

遠離於我無惱害。恒以大音宣正法。十方國土靡不周。彼絕譬者行斯道。

檀波羅蜜已成滿。百福相好所莊嚴。衆生見者皆欣悅。彼最勝慧行斯道。

疏第二遠離下頌前說分。十行卽爲十段。第一六偈頌歡喜行。文分四別。初一財施。財去慳過。安隱他故。次二偈無畏施。前偈修因。後偈得果。次二偈

法施。後一總結因圓果滿。言百福者。涅槃二十四云。五品心修十善。謂下中上。上中上上。各十善成五十。始修終修。故成百福。然十善之中。不殺不盜。是無畏施。不盜不貪。是財施。離口四過。不婬不癡。是法施。故具上三施。成百福果。

智地甚深難可入。能以妙慧善安住。其心究竟不動搖。彼堅固行行斯道。

法界所有悉能入。隨所入處咸究竟。神通自在靡不該。彼法光明行此道。

諸無等大牟尼。勤修三昧無二相。心常在定樂寂

撰述

封嚴政錄卷之十一

三

靜彼普見者行斯道。微細廣大諸國土。更相涉入各差別。如其境界悉了知。彼智山王行此道。

意常明潔離諸垢。於三界中無所著。護持衆戒到彼岸。此淨心者行斯道。

疏第二智地下。頌饒益行。五偈分四。初偈律儀。謂有智能護心不動故。是菩薩律儀次。二攝善。二有一偈饒益有情。舉處攝人後偈總結三聚。

智慧無邊不可說。普偏法界虛空界。善能修學住其中。彼金剛慧行斯道。

三世一切佛境界。智慧善人悉周徧。未嘗暫起疲厭心。彼最勝者行斯道。

善能分別十力法。了知一切至處道。身業無礙得自在。彼功德身行此道。

十方無量無邊界。所有一切諸衆生。我皆救護而不捨。彼無畏者行斯道。

疏第三智慧下。無違逆行。四頌中三。初一諦察法忍。次二安受苦忍。一引他勵已以策修。一引所成德以進道。後一頌耐冤害忍。遇害無惱。但增救心。於諸佛法勤修習。心嘗精進不懈倦。淨治一切諸世

撰述

華嚴疏錄卷二十一

三

間。彼大龍王行此道。了知衆生根不同。欲解無量各差別。種種諸界皆明達。此普入者行斯道。

十方世界無量刹。悉往受生無有數。未曾一念生疲厭。彼歡喜者行斯道。

普放無量光明網。照曜一切諸世間。其光所照入法性。此善慧者行斯道。

震動十方諸國土。無量億數那由他。不令衆生有驚怖。此利世者所行道。

疏第四於諸下。無屈撓行。五偈分二三。初二頌前攝

善精進。亦名加行。初半偈。卽頌第一精進等十句。次句卽頌前離過十句。後偈頌前所爲。次一頌。被甲精進。爲物受苦。心無厭等。後二偈。頌利樂精進。善解一切語言法。問難酬對。悉究竟。聰哲辨慧靡不知。此無畏者所行道。

善解覆仰諸國土。分別思惟得究竟。悉使住於無盡地。此勝慧者所行道。

疏第五善解下。頌離癡亂行。二頌中二。初一頌。現法樂住於中。前半頌能持色法言說等。後半通頌。前無癡亂等七句。次半偈。頌引生德功禪。了一切

撰述

華嚴疏錄卷二十一

三

四

法無有邊際。得一切法真實智慧。故云得究竟也。後半偈頌饒益有情中。我當令一切衆生乃至究竟無餘涅槃。卽無盡地。功德無量那由他。爲求佛道皆修習於其一切到彼岸。此無盡行所行道。超出世間大論師。辨才第一師子吼。普使羣生到彼岸。此淨心者所行道。

疏第六功德下二頌。頌善現行。一鈔六善現行。二偈中。初偈頌前正辨三諦。次半頌依智起悲。後半頌行成益物。然皆有無對辨。具三諦義。古將

爲加行。次半根本。後偈後得。然取攝論之文論。依六度似不會教。若兼正明義理。則可通前文。旣依本業。今頌不可錄舊。

諸佛灌頂第一法。已得此法灌其頂心。恒安住正法門。彼廣大心行此道。一切衆生無量別了。達其心悉周徧。決定護持佛法。藏。彼如湏彌行此道。能於一一語言中。普爲示現無量音。令彼衆生隨類解。此無礙見行斯道。

一切文字語言法智。皆善入不分別。住於真實境界。

中此見性者所行道。疏第七四偈頌無著行對前思之。鈔第七四偈頌無著行初偈卽二方便中回向善巧三方便中進趣向果已得灌頂是向果故次二偈卽拔濟善巧次半偈卽巧會有無謂善入文字是會有也不分別者是會無也後半一切法不捨不受若配經文初偈頌淨菩薩道受菩薩記而無所著次偈頌悲念衆生後二偈頌前於一切世間成熟衆生前約所化種種音等此約能化一音隨類前令所化不著此卽能化不著。

安住甚深大法海善能印定一切法了法無相眞實門此見實者所行道。

一一佛土皆往詣盡於無量無邊劫觀察思惟靡暫停此匪懈者所行道。

無量無數諸如來種種名號各不同於一毛端悉明見此淨福者所行道

一毛端處見諸佛其數無量不可說一切法界悉亦然彼諸佛子行斯道

無量無邊無數劫於一念中悉明見知其修促無定相此解脫行所行道

撰述

善屬彌金卷一

聖

出

能令見者無空過。皆於佛法種因緣而於所作心無著。彼諸最勝所行道。

那由他劫常遇佛。終不一念生疲厭。其心歡喜轉更增。此不空見所行道。

盡於無量無邊劫。觀察一切衆生界。未曾見有一衆生。此堅固士所行道。

疏第八安住下八偈頌難得行分五初一偈卽自行之願。次四神通次一外化次一求菩提後一成熟有情。若屬經文初四頌前於佛法中得最勝解等十句。二無量下三偈頌自行成益第三一偈頌

前利他不捨一衆生著多衆生等。

鈔第八安住

下入頌中言頌最勝等十句者。於中初句頌廣大解。次二句頌決定解。第二偈除護念一句頌餘七句。後之二偈頌佛護念以明見故。得護念也。二無量下二偈頌自行中初偈卽能轉多劫生死。後一卽見者不空。初偈辨不空之果。後偈辨不空之因。由見佛無厭故。

修習無邊福智藏。普作清涼功德池。利益一切諸羣生。彼第一人行此道。法界所有諸品類。普偏虛空無數量。了彼皆依言說。

撰述

華嚴疏錄卷二十一

三

住此師子吼所行道。能於一二三昧中。普入無數諸三昧。悉至法門幽奧處。此論月者行斯道。忍力勤修到彼岸。能忍最勝寂滅法。其心平等不動搖。此無邊智所行道。

於一世界一坐處。其身不動恒寂然。而於一切普現身。彼無邊身行此道。

無量無邊諸國土。悉令共入一塵中。普得包容無障礙。彼無邊思行此道。

疏第九修習下六頌頌善法行。初一修習力。次二

思擇力。次二修定通。次一報得通。後一變化通。若屬經文。初偈頌釋名。前半攝持正法。後半不斷佛種。亦大悲河。次偈卽波羅蜜河。問答成就。次偈卽三昧河。前舉三昧之用。此約三昧之體。次一卽願智河。次一十身體用。後一卽示現如來自在了達是處及非處於諸力處。普能入成就如來最上力。彼第一力所行道。今對去而對之。二

過去未來現在世。無量無邊諸業報。恒以智慧悉了知。此達解者所行道。十三

了達世間時非時。如應調伏諸衆生。悉順其宜而不

撰述

華嚴疏錄卷十一

三

失此善了者所行道。疏第十了達下四十三偈頌真實行文分爲六。第一
二偈頌得十力。量無數諸業時以答。善守身語及意業恒令依法而修行離諸取著降衆
魔。此智心者所行道。於諸法中得善巧能入真如平等處。辨才宣說無有
窮。此佛行者所行道。陀羅尼門已圓滿。善能安住無礙藏於諸法界悉通
達。此深入者所行道。疏一善守下三偈頌得三世諸佛無二語初偈正

明依法修行卽無二語餘二偈頌我爲最勝等。
鈔我爲最勝等二偈卽最勝義謂善入平等及達
法界不取著故。

三世所有一切佛悉與等心同智慧一性一相無有
殊。此無礙種所行道。已抉一切愚癡膜深入廣大智慧海普施衆生清淨
眼此有目者所行道。已具一切諸導師平等神通無二行獲於如來自在
力此善修者所行道。徧遊一切諸世間普雨無邊妙法雨悉令於義得決

無量壽經卷第一

釋迦牟尼佛說

三

四

了。此法雲者所行道。能於佛智及解脫深生淨信永不退以信而生智慧。根此善學者所行道。能於一念悉了知。一切衆生無有餘了。彼衆生心自性達無性者所行道。疏二六偈頌同佛善根。鈔同佛善根者初偈頌最上同一佛性是調御故次偈頌離翳次三偈頌已辨及善變化後偈頌爲依怙與佛化他故。法界一切諸國土悉能化往無有數其身最妙絕等倫此無比行所行道。

佛利無邊無有數無量諸佛在其中。菩薩於彼悉現前親近供養生尊重。

菩薩能以獨一身入於三昧而寂定令見其身無有數一一皆從三昧起。

菩薩所住最深妙所行所作超戲論其心清淨常悅樂能令衆生悉歡喜。

諸根方便各差別能以智慧悉明見而了諸根無所依調難調者所行道能以方便巧分別於一切法得自在十方世界各不同悉在其中作佛事。

諸根微妙行亦然能爲衆生廣說法。誰其聞者不欣慶。此等虛空所行道。智眼清淨無與等。於一切法悉明見。如是智慧巧分別。此無等者所行道。所有無盡廣大福。一切修行使究竟。令諸衆生悉清淨。此無比者所行道。

普勸修成助道法。悉令得住方便地。度脫衆生無有數。未曾暫起衆生想。一切機緣悉觀察。先護彼意令無諍。普示衆生安隱處。此方便者所行道。

疏四法界下十一偈頌入佛種性。於中分二初三偈頌身入餘頌意入於中。初四頌入悲種性。後智眼下四頌入智種性。成就最上第一智。具足無量無邊智。於諸四衆無所畏。此方便智所行道。一切世界及諸法。悉能徧入得自在。亦入一切衆會中。度脫羣生無有數。十方一切國土中。擊大法鼓悟羣生。爲法施主最無上。此不滅者所行道。一身結跏而正坐。充滿十方無量刹。而令其身不迫。

唯此淨身者所行道。

能於一義一文中演說無量無邊法。而於邊際不可得。此無邊智所行道。大法是諸聖生滅去就五事於佛解脫善修學。得佛智慧無障礙。成就無畏爲世雄。此方便者所行道。人皆自五事了知十方世界海。亦知一切佛刹海。智海法海悉了知。衆生見者咸欣慶。五法量滿夢覺悟性前四果真或現入胎及初生。或現道場成正覺。如是皆令世間見此無邊者所行道。人皆中陰四處人悲喜出外無量億數國土中。示現其身入涅槃。實不捨願歸寂。

滅此雄論者所行道。

堅固微密一妙身。與佛平等無差別。隨諸衆生各異見。一實身者所行道。

法界平等無差別。具足無量無邊義。樂觀一相心。不移三世智者所行道。

於諸衆生及佛法。建立加持悉究竟。所有持力同於佛。最上持者行斯道。大法是諸聖生滅去就五事神足無礙。猶如佛。天眼無礙。最清淨。耳根無礙。善聽聞。此無礙意所行道。

大法是諸聖生滅去就五事此無碍意所行道。

並

釋迦

華嚴疏錄卷一

三

其心正定不搖動。其智廣大無邊際。所有境界皆明達。一切見者所行道。已到一切功德岸能隨次第度衆生。其心畢竟無厭足。此常勤者所行道。三世所有諸佛法於此一切咸知見。從於如來種性生。彼諸佛子行斯道。隨順言詞已成就。乖違談論善摧伏。常能趣向佛菩提。無邊慧者所行道。

疏五成就下十八偈頌學三世諸佛真實語得佛

十力等。如文思之。鈔頌得佛十力等如文思之者。一偈頌得佛加。次一超頌轉法輪。次二頌無礙解脱。次一偈半頌智慧解脫。後半偈却頌雄猛無畏。次一偈頌了知世間境界。智海法海。卽智正覺。世間次或現已下四偈。絕生死迴流。初二偈八相。明絕生死故方能現生。次一偈非生死身方能現身。次一偈頌入智慧大海樂觀不移。是入義故。次於諸下三偈。頌護持正法。初偈神力加持。後二六通護持。其無礙意。卽他心通。神通具足。兼宿命漏。

東京大学総合図書館所蔵

此點解無涯際。十方國土悉充徧。普使世間得大明。此破暗者所行道。

隨其應見應供養爲現。如來清淨身。教化衆生。百千億莊嚴佛利亦如是。

疏六一光下二頌。頌益物不空。

爲令衆生出世間。一切妙行皆修習。此行廣大無邊際。云何而能有知者。

假使分身不可說。而與法界虛空等。悉共稱揚彼功德。百千萬劫無能盡。

菩薩功德無有邊。一切修行皆具足。假使無量無邊劫。讚歎稱揚得究竟。

疏第三大段四偈。結歎深廣。文顯可知。

信士項廣琰。項世平。程于古。全募銀九兩七錢

七分六釐刻此一卷衆檀芳名開後

譚貞和常

鉉周龍文

周龍武

蔣懋

孝郭起

正國

程正國

項世平。勒米二石。沈嗣選三錢。附楊完初募。余邦彥五錢。高士榮三錢。蕭傳霖一錢。項廣琰所募。擅越姓名。俱附音釋後。

疏卷二十一 終

60 1

2 3 4 5

6 7 8 9

10 1

2 3 4 5

6 7 8 9

10 1

2 3 4 5

6 7 8 9

10 1

2 3 4 5 6 7 8 9



60

1

2

3

4

5

6

7

8

9

10

1

2

3

4

5

6

7

8

9

10

1

2

3

60

1

2

3

4

5

6

7

8

9

10

1

2

3

4

5

6

7

8

9

10

1

2

3

工ノ廿六

二十六

撰
序

卷
序

卷
序

卷
序